



07693

天下山河兩戒考補卷之十

國朝圖書集成
當塗徐文靖著

大梁之次

鄭注月令曰季春者日月會於大梁而斗建辰之辰也周禮曰大梁一名西陸皇甫

謚曰大梁

一名天倉一名天獄一名大軍服虔注昭

三十一

年左傳曰是歲歲在析木後六年在大梁大

梁水宗也

案鄭注會於元枵建丑姬訖建寅降婁建

卯十二辰

以順數之蓋據日月所會而言也唐開元

分野畧例

元枵在子姬訖在亥降婁在戌十二辰以

逆數之

蓋以斗柄所指而言也於義為一唐占經諸

說具載

前注中今並胃三星星經曰在黃道內十

列鄭注

以備參考胃二度荊州占曰胃中星衆者

穀衆星

少穀散甘氏曰胃動有輸運之事胃星明者

王者郊

天得福天下和平星不明大小失位石氏譜

曰胃宿

三星主廩倉陰收積聚知入藏昂七星星

陰收一作

萬物今西曆三星外增二星昂經曰在黃

山河兩戒考

卷之十

道內四度

少西官候曰昂一名武一名天廚至成曰

昂為白衣

聚又曰胡聚史記鄒陽列傳衛先生為秦

畫長平之事

太白饒昂希萌曰昂七星黃道起又曰昂有一星大

太白饒昂

希萌曰昂七星黃道起又曰昂有一星大

明黃其星

明者天下安又曰昂星皆明與奎星等者

水滿天下

陳子龍史記測議曰昂宿皆云七星或曰

六星近測

之實畢八星星經曰在黃道外一度太

三十六星

也畢王者執畢前驅即其象也一度因

車今掩兔

者曰畢亦其義也故主弋獵其大星曰天

高一曰邊

將邢外候也河圖曰畢為天罡也黃帝占

日其星欲

明明則遠夷來貢郝萌曰畢星動搖有讒

臣石氏譜

曰畢為天街王邊兵守備境界知暴橫

三宿天廩

天廩四星在胃東南距南星去極八十五

層主廩藏

會計之事其星齊明則年豐穀饒其星小

而不明歲

惡藏虛一日臣受君祿今西土天廩七星

外增天星

天困十三星在胃南距大星去極九十一

星入胃六度在野曰困在邑曰倉一日圓曰困方曰倉黃帝占曰天困注御糧百庫之藏也困星欲明其中星象百庫之藏實滿其星不明困中星減庫藏空虛乾象新書天困五星屬婁餘八星屬胃今西天困十大陵入胃宿七度石氏曰大陵一名積京郝萌七星大陵積京也卷舌之口也大陵曲而北向卷舌曰大陵者積京也卷舌之口也大陵曲而北向卷舌曲而南向相為牝牡又曰積京中星象新書大陵三星則粟散晉志大陵屬天市垣乾象新書大陵西三星屬婁東五星屬胃今西士大陵十五星外增三星天船天船九星在胃宿十度左星入胃十一度郝萌曰天船九星一名王船中有四星常欲均明即天下大事一名天船天將軍兵船也石氏曰天船主水旱之安又曰天船天將軍兵船也石氏曰天船主水旱之河不通川水大出舟船用晉志天船屬天市垣隋志亦曰舟星今西士天積尸積尸一星在大陵中極船十一星外增三星積尸積尸一星在大陵中極

山河兩戒考

卷之十

氏曰大陵中有積尸星明則有大喪死積水積水一人如丘山甘氏曰大陵喪墓積尸隨居積水積水一船中去極五十三度入昴宿初度石氏曰積水星明則水大出船行人道必有論邑者星動搖而行上舟船摩天黃帝占曰積水星明大動搖市垣屬胃天流津道不通晉志積尸積水俱屬天市垣屬胃天阿天阿一星在胃東南去極六十六度入胃宿十度天阿晉隋志俱作天河步天歌作河當是阿字之訛甘氏曰天阿一星在昴西偏高曰阿亦曜候之處以察山林之妖也讚曰天阿察近罕蔚西隅晉志天河屬天市垣今月一度半甘氏曰月一星在阿下畢西士仍作天阿月一度半甘氏曰月一星在阿下畢臣之象也讚曰月明刑度天陰天陰五星在阿下畢先生蟾蜍晉志月星不載天陰天陰五星在阿下畢氣十五度半入胃宿七度星暗為吉明則宮禁漏浪晉氏讚曰天陰羽獵附耳密謀晉志天陰不載步天歌作芻藁芻藁六星在天困東南距中行西星去極天陰芻藁百八度入胃十一度郝萌曰芻藁一日天

積天子之藏府也天積中星繁則歲豐穰星稀則貨
財散由甘氏讚曰芻藁草服納銓總輸生草曰芻禾
稗曰藁禹貢百里賦納總二百里納銓鄭注禾藁曰
總入之以餽國馬周禮掌客待諸侯之禮有芻有禾
淮南子秦發適戍入芻藁高誘注曰入芻藁之稅以
供國用是也晉志芻藁不載武密屬胃乾象新書屬
婁今西士分芻藁四**天苑**天苑十六星距度見前郗
星入天苑亦屬婁**天苑**萌曰天苑天子之苑也黃
帝占曰其星行列齊明苑中星衆則畜牧蕃息多饒
野獸其星微小不明若不見苑中星希敗畜牧不孽
牛羊野多死晉志天苑在二十八宿之外乾象新書
天苑西入星屬胃南入星屬昴今西士天苑三十四
星外增五星內四**卷舌**卷舌六星在昴北距南大星
星即芻藁屬胃**卷舌**去極五十五度入昴宿初度
黃帝占曰卷舌一名勝舌一名左舌一名積京一名
積薪石氏曰卷舌曲如卷舌則吉直則天下多口舌
之害又曰卷舌主利口明大則利口用事郗萌曰卷
舌星動兵大起多口舌星希則無兵石氏讚曰昴主

山河兩戒考 卷之十 三

獄事典治區故置卷舌以慎疑晉志卷舌屬天市垣
乾象新書卷舌西三星屬胃東三星屬昴今西士卷
舌九星外**天讒**天讒一星在卷舌中去極六十一度
增二星**天讒**半入昴宿二度石氏曰天讒星明則
讒佞害民善甘氏讚曰卷舌唾水讒主天**礪石**礪石
醫隋志天讒主巫醫晉志天讒屬天市垣**礪石**四星
在卷舌東南近五車距南第二星去極六十五度入
昴宿六度甘氏讚曰礪石砥乃百工淬治隋志五車
南五星曰礪石金若客星守之兵動晉志**屬昴附耳**
屬昴附耳一星在畢口大星之下東南隅去極七十七度
附耳二星在畢口大星之下東南隅去極七十七度
入畢宿二度春秋緯曰畢爲邊界主守備外國故立
附耳以聞不祥黃帝占曰附耳搖動有田獵之事洛
書曰附耳角動讒賊將起郗萌曰附耳入畢中爲兵
革入深大附耳縮**天街**天街二星在昴畢間近月東
結王命典輔佐出**天街**天街二星在昴畢間近月東
宿十度石氏曰天街者日月五星出入之道也又曰
天街陰陽之所分中國之境界昴以西屬外國畢以

曰王者賜命諸侯皆如其德則陰陽和風雨時其九
為鉤曲直宋均曰天鉤九星主珍異令賜諸侯亦所
以顯異之也應於主珍之星故為鉤曲有直者也荆
州古曰鉤星非其故地動漢天文志曰鉤星在房星之間地其
動乎晉志天鉤屬紫微垣今西北星去極六星亦屬紫
微垣造父造父五星在天鉤南距北星去極三十八度
河中郝萌曰造父一名西橋一名司馬黃帝占曰造
父星移處車騎滿野馬貴造父晉志不載武密書造
父屬危又屬虛今西墳墓墳墓四星在危下距中星
士造父六星屬紫垣墳墓去極九十六度半入危宿
五度半石氏曰虛危主廟堂祀考妣故置墳墓識
先祖又曰虛危五星為祠堂墳墓四星祠祀享虛
梁虛梁四星在墳墓東南距四星去極一百度半入
非人所處故天錢天錢十星在虛梁西南北落西北
日虛梁也天錢距東北星去極一百十六度入危

山河兩戒考

卷之九

四

宿四度巫咸曰天錢藏府聚蓋屋蓋屋二星在危南
衆談誇今西士天錢屬虛九度距西星去極

九十七度入虛宿九度廿氏讚曰危屬危皆元枵也
蓋屋室柱梁侏儒今西士蓋屋一星

位在北正之中分野屬青州禹貢海岱惟青州孔傳
舜為十二州分青州為營州禹復為九州爾雅齊曰

營州孫氏曰殷制邢曷曰營州即復為州也博物志曰
營與青同海東有青丘齊有營丘豈是名乎是殷改

青為營也周禮正東曰青州其山鎮曰沂山其川淮
泗其浸沂沫周時青州地大徐并於青也秦并天下

置齊郡鄆邶遠東漢復置青州春秋元命包曰虛危
之精流古齊見前考春秋經傳齊地有盧艾龐黃灤

為青州古齊見前考春秋經傳齊地有盧艾龐黃灤
嶽莒稷棘澠沛淄媚杏賴駱潞鄆犁轅博彰濰沂雀

石門葵丘姑葵貝丘乾時堂阜北杏梁丘落姑陽穀
穆陵無棣周首牡丘中池平州袁婁靡笄華泉徐關

丘輿馬陘上鄭東陽阿澤平陰防門廣里巫山京茲

五車三柱均明石氏曰五車中有三柱三星鼎足居
騎出休出倉者大車出婦女輓輓休格所指者車從
之郝萌曰五星旗不見天下大風天文志曰三淵者
五車柱也隋志曰三泉石氏曰五車柱外出不居兩
兩星之間者天下大水武密書五車三柱屬紫乾象
新書五車北西南三大星屬畢西二星及三
柱屬參今西土作西柱東柱南柱各三星
五星在五車內距西北星去極五十八度入畢一度
合誠圖曰天潢主河梁所以渡神人通四方禮緯曰
黃星明天子壽昌甘氏讚
咸池黃帝占曰咸池一名
黃龍一名五潢漸池濯稿
咸池黃帝占曰咸池一名
注樂緯曰五車咸池別名也郝萌曰咸池五車中星
也非其故國旱魚延壽曰咸池星明大則有龍墮
死者不乃虎狼爲人害若大兵起今西土無此星
關天關一星在五車東南參西北去極七十一度半
入彗宿初度郝萌曰天關天門也在黃道中日月

山河兩戒考

卷之十

五

不出其中行必有一國之主不朝者五星不出其中
臣必有其道者石氏曰天關星明大則王道平通星
芒角有兵今西土天
參旗第一星去極入十七度
關二星外增二星
入畢宿十六度石氏曰參旗九星在參西一名天弓
郝萌曰天弓主司兵弩之事又曰天弓九星不具天
下大赦爲兵赦春秋緯曰參旗勾曲天弓九星三處一曰
天旗二曰天苑三曰衣會一曰邊寇動禮含文嘉曰王
不明吉明則有白衣會一曰邊寇動禮含文嘉曰王
者制度有科物應以宜則參旗弓行宋均注曰弓行
者參旗星行列紆曲似弓也武密書參旗天
九旂九
關俱屬背今西土參旗十一星外增一星
九星在參旗南距南星去極一百十三度入畢十五
度郝萌曰九游一名苑游在參西石氏曰九旂九旂以
司曲一名天旗王司五星之過又曰九旂九旂以
起元命包曰九旂纜九州別邪案周禮龍旂九旂以
象大火蓋取蒼龍宿有尾九星爲象此
亦以九星故曰九旂今西土九旂八星天園三星在

天苑南距大星去極一百二十四度入畢宿五度郗
萌曰天園天苑南牛馬榭也其中小星榭槽也又曰
天園中星實菜茹蓄儲乾象新書天園東五星屬畢西
天星屬昴今西屬畢皆大梁也位在西正之中分野
士天園屬胃

屬冀州禹貢冀州既載五子之歌曰惟彼陶唐有此
冀方是也爾雅兩河間曰冀州郭注自東河

至西河北過濟水至於大陸又北播爲九龍門南流謂

之西河北過濟水至於大陸又北播爲九龍門南流謂

河入於海謂之東河周禮河內曰冀州其山鎮曰霍

山其澤藪曰楊紆其川漳其浸汾潞賈公彥疏曰周

也秦并天下此爲邯鄲鉅鹿河東上黨代郡鴈門雲

中漢武復置冀州仍周舊號以北爲幽并古趙見前

穆王十六年王命造父封於趙此趙氏受封之始威

烈二十三年王命晉卿魏氏趙氏韓氏爲諸侯此趙

氏建國之始趙分晉在春秋獲麟後七十八年已前

趙地仍屬於晉考國策所載趙地有藺鄆唐代漳滏

胡樓煩原陽扶柳呼沱武城陰成負藹葛孽鉅鹿沙

丘勾注曲遇三城淮南子秦族訓曰趙王遷流於房

陵思故鄉作爲山水之嘔聞者莫不頽涕太史公曰

趙之亡大夫共立嘉爲王代六歲秦滅以爲郡

中山定四年晉荀寅言於范獻子曰諸侯方貳中山
不服杜注中山鮮虞哀三年齊衛圍戚求援於

鮮虞子姓自狄別種也趙世家中山皆鮮虞也郟國志

周桓公之子則中山姬姓者也大事記威烈王十二
年中山武公初立世本中山武公居顧桓公從靈壽
杜佑通典常山靈壽中山國有故城城中有山故號
中山是中山武公父子皆諡桓也水經注滏水又東
逕唐縣故城唐亦中山城也爲武公之國周同姓其
後桓公不恤國政周王問太史餘曰今之諸侯孰先

山河兩戒考

卷之十

亡乎對曰今中山淫昏康樂逞欲無度其先亡矣後二年果滅呂氏春秋晉太史屠黍謂周威公曰中山之俗以晝爲夜以夜繼日男女切倚固無休息其主弗之惡此亡國之風也居二年中山果亡國策蘇厲爲齊上書說趙王曰昔者楚人伐我而中山亡鮮虞昭亡是姬姓中山爲楚所滅是又一中山也吳鮮虞十二年傳晉荀吳僞會齊師者假道於鮮虞杜注鮮虞白狄別種在中山新市縣十三年晉荀吳自雍著以主軍侵鮮虞及中人杜注中山望都縣西北有中人城二十二年傳鼓子又叛於鮮虞定三年傳鮮虞人敗晉師於平中五年晉士鞅帥師圍鮮虞哀元年鮮虞人伐晉取棘蒲時鮮虞無稱中山者也三年齊衛圍戚求援於中山杜注中山鮮虞是時以中山稱鮮虞者如戰國魏徙大梁稱梁韓哀侯滅鄭稱鄭趙居邯鄲稱邯鄲是也周貞定王十二年晉荀瑤伐中山取窮魚之丘考烈王十八年魏文侯使樂羊爲將攻中山以其子擊守之史記鄒陽上書曰白圭戰亡六城爲魏取中山樂毅列傳曰樂羊死中山復國又趙

山河兩戒考

卷之十

世家曰武侯與中山戰於房子是時中山蓋已復國矣戰國策犀首立五王鮑彪注秦韓燕宋中山也大事記周顯王四十六年韓燕中山皆稱王是時中山稱王齊閉關不通中山之使武靈王三年也武靈王俾各於我是也案是年爲趙武靈王百年也武靈王三十五年攻中山時中山猶未亡至趙惠文王元年爲周赧王十七年趙攻中山取扶柳五年以擅呼沱馬服君曰趙以二十萬之衆攻中山五年乃歸是也此中山鮮虞子姓者也國語史伯曰當成周者北有衛燕翟鮮虞鮑彪注鮮虞姬姓在翟者李公緒趙記鮮虞姬姓春秋之未曰中山史記邢帝王世紀邢侯索隱中山古鮮虞國姬姓當考邢爲約三公以忠諫被誅史記成王封周公旦于靖淵爲邢侯邢本殷國周以其地封公第四子隱四年衛人逆公子晉於邢杜注邢國各五年曲沃莊伯以鄭人邢人伐翼杜注邢國在廣平襄國縣閏元年狄人伐邢管敬仲言於齊侯請救邢以從簡書二年桓公遷邢於夷儀杜佑曰龍岡縣西北百五十里夷儀嶺卽邢國所遷有

山河兩戒考

卷之十

八

夷儀城僖元年齊師曹師宋師城邢十八年邢人狄
 人伐衛圍薨圖十九年衛人伐邢二十年齊狄盟於
 邢為邢謀衛難也二十一年狄侵衛杜注為邢故二
 十五年衛侯燬滅邢今順德府邢臺縣故邢國也府
 西百四十里有夷儀城郡國志河內平臯縣故邢國
 平臯故城宣六年赤狄伐晉昭十五年傳晉荀吳
 圍懷及邢丘者也非邢所遷鼓帥師伐鮮虞圍鼓三
 月鼓人或請降穆子曰猶有食色姑脩而城鼓人告
 食竭力盡而後取之以鼓子戴鞮歸杜注鼓自狄之
 別鉅鹿下曲陽縣有鼓聚二十二年傳晉之取鼓也
 既獻而反鼓子焉又叛於鮮虞六月荀吳畧東陽使
 師偽羅者負甲以息於昔陽之門外遂襲鼓滅之杜
 注昔陽故肥子所都劉炫曰肥鼓並在鉅鹿昔陽即
 是鼓都晉使偽羅者息於昔陽之門外襲鼓滅之則
 昔陽之為鼓都斷可知矣今平定州樂平縣東五十
 里有故昔陽肥昭十二年傳晉荀吳偽會齊師曰假
 城一名陽城肥道於鮮虞遂入昔陽秋八月壬午滅

肥以肥子緜臯歸杜注肥白狄也鉅鹿下曲陽縣西
 南有肥累城昔陽肥國都樂平沾縣東有昔陽城劉
 炫曰齊在晉東偽會齊師當自晉而東行也假道鮮
 虞遂入昔陽則昔陽當在鮮虞之東今案樂平沾縣
 在中山新市西南五百餘里何當假道於東北之鮮
 虞而反入西南之昔陽也既入昔陽而別言滅肥則
 肥與昔陽不得為一安得以昔陽為肥國之都也昔
 陽既肥都何以復言鉅鹿下曲陽有肥累城孔疏
 曰杜云昔陽肥國都以肥是本封之名後遷於昔陽
 耳昔陽今屬廉州在中山南二百餘里劉云五百餘
 里非括地志肥累故城在藁城縣西七里又漢志遼
 西肥如縣應劭曰肥子奔燕燕封於此水經注盧子
 之書言晉既滅肥遷其民於盧水盧水又南與溫水
 合水出肥如城北一貌志永平盧龍縣古肥子國漢
 為肥如唐昭十二年傳齊高假帥師納北燕伯於陽
 縣是也唐傳曰納北燕伯款於唐杜注陽即唐燕別
 邑高山有唐縣張晏曰堯為唐侯國於中山唐縣竹
 書高辛氏四十五年帝錫唐侯命即謂是也堯以唐

侯繼統支庶仍國於唐括地志定州唐縣堯後所封
竹書獯王八年春北唐來賓獻一驪馬是生駮耳是
也謂之北者以南有唐故稱北國語

鄭瞞之國

文十

史伯曰當成周者南有隨唐是也
傳鄭瞞侵齊遂伐我公卜使叔孫得臣追之敗狄於
鹹獲長狄僑如初宋武公之世鄭瞞伐宋司徒皇父
帥師禦之獲長狄緣斯晉之滅潞也獲僑如之弟焚
如齊襄公之二年鄭瞞伐齊齊王子戚父獲其弟榮
如衛人獲其弟簡如鄭瞞由是遂亡杜注鄭瞞狄國
名防風之後漆姓僑如鄭瞞國之君蓋長三丈許慎
說文鄭作鄒北方狄國也在夏為防風氏殷為汪芒
氏國語汪芒氏之君守封禺之山者為漆姓於周
為長狄氏今日大人穀梁傳曰長狄瓦石不能害叔
孫得臣最善射者射其身橫九畝斷其首而載之
眉見於軾何休云蓋長百尺而杜注長三丈者以魯
語仲尼云僬僥氏長三尺短之至也長者不過十之
故知為三丈也韋昭以封禺之山在今吳郡永安縣
鄭瞞既是其後而說文云北方狄國者其後年代久

山河兩戒考

卷之十

九

遠種類亦徙於北也宣十五年六月癸卯晉荀林父
敗赤狄於曲梁辛亥滅潞杜注曲梁今廣平曲梁縣
也是時晉敗赤狄獲長狄焚如故知鄭瞞為北方狄
國當近廣平而為趙界也又傳稱齊襄二年鄭瞞伐
齊杜注以為魯桓十六年榮如以是年死至宣十六
年一百三歲晉獲焚如傳言其兄弟既長且壽有異
於人陸粲曰史記魯世家引此傳作齊惠公二年又
齊世家曰惠公二年長翟來王子城父攻殺之十二年
諸侯年表亦曰齊惠公二年王子城父敗長翟翟三傳
皆同齊惠之二年即魯宣之二年也在晉滅潞之前
十三年傳云襄公傳寫之誤也又宋世家曰昭公四
年宋敗長狄緣斯於長丘亦誤公羊傳長狄兄弟三
人一者之齊一者之魯一者之晉何以書記異也孔
仲達曰長狄種類相生常有支胤惟獲數人其種遂
絕深可疑之且方以類聚不應獨立三丈之君使牧
八尺之民案長狄既為君長賜以漆姓自是一國但
或於所最長者奉為國主不必支屬臣庶盡長三丈
也故雖以死者數人而鄭瞞由是遂亡關中記秦始

皇二十六年有長人十二見於臨洮身長百尺皆夷
狄服雀鴻前燕錄持堅以乞活夏默爲左鎮郎長一
丈八尺蕭方等三十國春秋申香爲拂蓋郎長
一丈九尺大抵亦間氣所生其支庶正不盡然皆其
分也

實沈之次

鄭注月令曰孟夏者日月會於實沈而斗
建巳之辰也皇甫謐曰實沈一名大唐一

名天溝一名天京案實沈參神因名次焉家語宰我
曰請問帝嚳孔子曰玄枵之孫喬極之子玄枵即玄
囂五帝本紀帝嚳娶嫫訾氏女生摯是
皆以古者封國主祀星土因以名次
道外十二度太巫咸曰背爲寶貨又爲天貨甘氏曰
背鵬星欲明明則國盈軍有儲郝萌曰背星明大將
得勢列宿說曰背鵬動祿旅
起今西七背三星外增二星
咸曰參爲衡石石氏參伐一名鍾龍彗星要占曰參
者天子市也伐者天子都尉也天之車騎也與狼狐

山河兩戒考

卷之十

十

同精玉曆曰參中央大星主命左星主左司馬右星
主右司馬左臂主天門右臂主天獄聖洽符曰參者
白虎宿也足入井中各曰滔足虎不得動天下無兵
元命包曰參主權衡所以平理也又主邊城九驛故
不欲其動也石氏曰參四星有進者將出有功有退
者無功失勢進者謂移北也退者謂南也今西土參
二十四星又
外增五星
二宿座旗
北附井口第一星邊去極六
十度半入參宿七度廿氏讚曰座旗旗表別異殊居
表明也座旗明則君臣之位也武密及乾象新書
座旗屬參今
西土屬井
司怪
極七十一度入參宿六度主占候
灾祥者也甘氏曰司怪四星在鉞前讚曰司怪詰咎
國無灾殃洛書曰司怪集得失又曰司怪主人揆靈
出徵武密及乾象
新書司怪屬參
屬背伐
日伐有角諸侯之寢排門
閭郝萌曰參伐星明大則斬刈行又曰伐
星大則兵起今西土伐四星外增二星
玉井
四星

有參右足下距西北星去極九十八度少入畢宿十
三度半春秋緯曰玉井星微小如其故則陰陽和雨澤時
屬黃帝占曰玉井星明而動播有大水今西土玉井
五穀成天下安其星明而動播有大水今西土玉井
五星外軍井軍井四星在玉井東南距西南星去極
增一星如輪曲與狼星俱至水旱甘氏謂曰軍井給水
師用不竭武密書玉井軍井並屬觜乾象新書屬畢
屏屏二星在軍井西南距南星去極一百十五度入
星不具人多疾石氏讚曰屏星厠厠四星在屏東距
在南為屏風今西土屏星六星厠厠四星在屏東距
十八度半入參宿二度黃帝占曰厠星欲黃赤黃赤
而明吉石氏曰厠星不具貴人多病又曰黃澤者歲
孰今西土厠六矢一星在厠南去極一百十五度
星外增一星入參宿三度石氏曰天矢星至候
吉凶色黃即吉青白黑凶黃帝古曰常以春秋分候
矢星明黃而潤澤則天下無疾病王者安晉志屏厠

山河兩戒考

卷之十

十一

矢皆不載陳子龍曰舊傳觜星南四星也天屬參皆
厠共天矢為五星近測之實三十一星也禹貢華陽黑水
實沈也位在西正之南分野屬益州惟梁州孔傳曰
東據華山之南爾雅河西曰雒州李巡曰兼得梁州
之地周禮職方氏豫州其山鎮曰華山孔疏曰周之
雍豫於禹貢兼梁州之地九域志華山四州之際東
北冀東南豫西南梁西北雍是梁在華山之西南也
史記天官書觜觴參益州正義曰括地志云漢武置
十三州改梁州為益州益州分野得漢之河內上黨雲
雲中案星經益州魏地畢觜參之分今河內上黨雲
中是其地也又唐占經曰益州非魏地益州地盡在
秦楚次中未詳其旨大事記魏惠王十九年魏築長
城塞固陽正義曰自鄭濱洛以北由銀州至勝州固
陽縣為塞戰國策無忌謂魏王曰所亡乎秦者山北
鮑彪注山吳華之屬正義曰山華山也華山之北同
華銀綏皆魏地也漢地理志曰魏地自高陵以東盡
河東河內史記趙世家秦以三郡攻王之上黨正義

曰秦上黨郡今澤潞儀沁四州之地至七國時韓猶有潞州及澤州之半半屬趙魏是河內上黨雲中連魏界也華山西南曰益秦為漢中巴郡蜀郡之南境陳卓謂巴蜀漢中屬參魏居實沈之故墟故得與益州同次不言魏而言晉者蘇厲遺趙王書曰魏亡晉國正義曰河北之地安邑河內是時三國分晉魏獨居晉之舊壤故以魏統於晉古晉見前考春秋經傳也元命包曰背參流為益州晉地有翼鄂隨條蒲聚絳韓陰郇汾澮溫原屏樓焦瑕冀殺箕邠齊夷董鄆陽懷稷維滑柯著鄆鄆菑州閭鄆鄆苦虛櫟鄆潞鄆范鄆鄆任洮雍臨盩樂鄆千畝汾隰二屆垂棘屈產采桑高粱下國沙鹿號畧華山韓原玉城河東狐厨受鐸昆都令狐桑泉白袁廬柳綿上南陽被盧河陽清原王官茅津董陰鄆首武成北徵河曲羈馬諸浮黃父陰地桃園首山邢丘向陰曲梁斷道輔氏野王赤棘新田銅鞮鄆瑕桑田交剛保城涑川茗丘長檇台谷瓠丘鷄澤著雍霍人渙梁長子純留梗陽南任雍榆中鄆州田西河棘津戲陽平丘乾侯平陵塗

卷之十

七

山河兩戒考

水馬首平陽楊氏汝濱適歷大陸平中夏虛中牟河內晉陽鄆鄆百泉五鹿棘蒲菟和倉野逆時陰人壺口柏人冠氏英丘解梁城桃林之塞瓜衍之縣虜祗之宮新城卽曲沃焚寇卽陘庭黃父卽黑壤卷楚卽斷道寒氏卽五氏太鹵卽太原大夏晉陽莊二十八牟傳蒲與二屆杜注二屆今平陽北屆縣或云二當爲北案地理志河東北屆縣應劭曰有南故稱北竹書隱王七年翟章故鄆次於南屆是二屆爲南屆北屆也僖九年齊侯伐晉及高粱而還杜注高粱晉地在平陽縣西南案水經汾水南過楊縣東西南過高梁邑西又南過平陽縣東是高粱在楊縣之西南平陽之東北杜云平陽西南蓋誤也郡國志河東楊縣有高魏見前考國策所載魏地有鄆梁虛黃許驪淮新鄆煮棗無疎高陵卷衍酸棗頓丘南陽內沛新觀河外皮氏河東長平王屋洛林上地大梁鞏子安邑文臺垂鄆虞見前春秋經傳虞地唐見前括地志故寧邑安陵虞有共池顛軫鄭三門唐唐城有絳州翼

城縣西二十里卽堯裔子所封竹書成王八年冬十月王師滅唐十年命唐叔虞爲侯康王九年唐遷於耿見前竹書惠王十六年晉獻公滅耿以賜大夫趙夙揚見前秦策廿氏曰

徙兩周之疆而世至不敢窺陽侯之塞注曰河東陽故陽侯國案漢志河東揚縣故揚國其字從揚作陽

誤陽侯之塞河上霍前見黎家祖伊以周西伯昌之塞也非陽國謂前

即黎也案竹書帝辛十四年周師取者卽黎見前

西伯昌薨四十四年西伯發伐黎者非卽黎見前

明矣孔安國曰黎在正黨東北卽今之黎亭卽竹書

桓王十三年晉曲沃滅荀及沈昭元年傳子產曰昔

襄王十七年晉城荀卽卽及沈昭元年傳子產曰昧

爲立冥師生允格臺駘臺駘能業其官以處太原帝

用嘉之封諸汾川沈媯葦黃實守其祀今晉主汾而

滅之矣杜注四國臺駘之後案成八年晉侵沈蔡滅沈

十六年晉侵蔡襲沈定四年晉人使蔡伐沈蔡滅沈

杜注平輿縣有沈亭者姬姓沈也汾川有沈乃金天

氏後亦晉所滅宋書沈休文自序以平輿之沈爲卽

沈媯之媯媯國亦葦駘之後近汾川爲晉所滅通考

山河兩戎考

卷之十

乃國名葦葦國亦葦駘之後近汾川案葦水名也山

非姓也葦海經鳥山葦水出焉而東流注於河各水經

河水右納葦水又南過上郡高奴縣東又南蒲川石

樓山南逕蒲城東今汾州石樓縣也縣有葦駘廟葦

葦以水名國而近汾川也風俗通姓纂葦黃國亦

收後有葦國路史以葦爲鄆卽邾邾非也黃葦駘之

後近汾川水經注汾水西逕鴈祁宮北又西逕魏正

平郡南汾水又西與古水合出臨汾縣故城西黃阜

其大若輪西南流黃韓傳二十四年傳邾晉應韓杜

阜當卽故黃國墟也韓注韓國在河東郡界襄二十

九年傳晉女叔侯曰韓姬姓也詩大雅韓奕篇曰韓

侯取妻汾王之孫蹇父之子又曰蹇父孔武靡國不

到爲韓姑相攸莫如韓衆又曰溥彼韓城燕師所完

又曰奄受北國因其伯朱子注曰蹇父周之卿士

姑姓也韓姑蹶父之子韓初封時召公爲司空王命以其衆爲築此城考畧謂南燕姑姓蹶父必南燕之君韓城爲燕師所完未定是北燕也案竹書成王十二年王師燕師城韓王錫韓侯命宣王四年王命蹶父如韓韓侯來朝前後相去二百有九年韓初封時爲召公所城自是北燕不得爲南燕宣王時城韓當主南燕爲說奄受北國鄭康成曰言爲潞所通稍稍東遷也王肅曰潞郡方城韓侯既爲方魏昭九年志蘄州玉田縣有韓侯城意韓侯既爲方魏昭九年伯亦常有事於北方故潞有韓侯城乎魏王使詹桓伯辭於晉曰我自夏以后稷魏駘芮岐畢吾西土也案竹書帝堯七十六年司空伐曹魏之戎克之是夏前有魏也盟會圖疏云魏姓國辛襄四年傳昔周至周以封畢公高之後爲晉所城辛甲之爲太史也命百官官箴王闕杜注辛甲周武王太史漢書藝文志辛甲紂臣七十五諫而去周地理志上黨長子縣辛甲成六年晉人謀去故絳諸大夫皆曰必居所封瑕郇瑕氏之地杜注郇瑕古國名河東解縣

山河兩戒考

卷之二

西

西北有郇城案郡國志河東解縣有瑕城晉地道記猗氏縣東北有瑕城京相璠曰河東解縣西南五里有故瑕城酈道元曰今解故城東北二十四里有郇城則郇瑕二城相去凡二十九里瑕又一國名也

賈桓九年賈伯伐曲沃杜注賈國名莊二十八有晉獻公娶於賈杜注賈姬姓博物記河東臨汾有賈

鄉路史康王以叔虞之幼子公明爲賈伯羅莘注曰

晉滅賈封公族狄射姑卽賈季也文獻通考賈國在同州蒲城今華州蒲城西南十八

里賈城當是爲賈季之所城也偁文六年傳趙孟讓偁姑而上之杜注偁姑姓之女在襄公爲庶子

案偁姑伯儵之後路史以爲卽周之偁陽非是偁陽蓋姪陶定四年傳聃季授土陶叔授民杜注陶叔司

姓也陶徒竹書帝堯八十九年作游宮於陶水經河水逕郃陽城東又南逕陶城西括地志陶城在蒲州

河東縣北三十里卽舜所都也至周時爲陶叔封國也

徵儋六年傳徵子啓杜注紂庶兄宋之祖也一統志徵子城在潞城縣東北一十五里徵子初封

之箕 昭三年傳箕伯杜注舜後陳氏之先傳三十三

地箕 年晉人敗狄於箕杜注太原陽邑有箕城路史

箕子之先箕伯之封小國也姓纂云商之畿內今太

原昭二十四年晉士彌牟逆叔孫於箕者也司馬彪

注莊子曰箕子名胥餘陳顛國曰宋世家謂箕子紂

親戚蓋外親也班固曰殷道衰箕子去之朝鮮故武

王帥其地而封之竹書武王十六年箕子來朝遂有

留於中土終焉故杜預謂梁國蒙縣有箕子冢

莘傳二十八八年傳晉侯登有莘之虛以觀師杜注有

莘故國名水經注河水逕郟陽城東故有莘邑矣

為太姬之國詩云在洽之徐吾 成元年傳劉康公敗

陽又云長女維莘謂此也徐吾 績於徐吾氏杜注茅

戎之別上黨記純留縣有余吾城在縣西北三十里

余吾即徐吾也易來徐徐王肅本作來余余古徐余

通甲氏 宣十六年傳晉士會帥師滅赤狄甲氏及留

甲氏名在祁縣故甲氏邑也金史地理志沁州

武鄉縣有胡甲山去太原祁縣西南六十里

留吁

山河兩戒考

卷二

括地志屯留故城在潞州長 鐸辰 春秋晉人滅赤狄

于縣南三十里故留吁國 鐸辰 不書杜注留

吁之屬僖十六年狄侵晉取受鐸 膺咎如 僖二十三

意受鐸與鐸辰相近遂名為鐸乎 膺咎如 年狄人伐

膺咎如杜注赤狄之別種嵬姓史記晉世家狄伐咎

如得二女鄒誕生本作困如宋白續通典慈州春秋

膺咎如之國漢為北屈縣隋 東山 閔二年晉侯使太

為汾州正觀元年改慈州 東山 子申生伐東山臯

落氏杜注赤狄別種也臯落其氏族家史記獻公十

七年晉侯使太子申生伐東山賈逵曰東山赤狄別

種上黨記曰東山在壺關城東南晉申生 臯落氏之

所伐全名無臯則東山亦赤狄之一種 臯落氏之

地 水經注清水流逕臯落城北服虔曰赤翟之都也

今平定州樂平縣東七十里一名靈 皆其分也

山即古臯落氏之墟東山其種類也 皆其分也

鶉首之次 鄭注月令曰仲夏者日月會於鶉首而斗

建午之辰也周禮曰鶉首一名小章皇甫

謚曰鶉首井八星星經曰在黃道外二度半廿氏

一名天祿井曰用法平王者心正則井星明行位直

黃帝占曰東井主水用法清乎如水左垣四星四輔

也右垣四星以輔赤帝孝經章句曰東井為天渠石

氏曰井鉞鬼曰輿鬼星明歲大熟不明民大散其星

去則水滿鬼曰輿鬼星明歲大熟不明民大散其星

移徙民大愁政令急又曰輿鬼中者為鑽鉞星二宿

欲其忽忽不明不明則安明則兵起斧鉞且用

鉞鉞一星在司怪北附井口第一星邊去極六十九

度少入參宿八度半廿氏曰鉞星明則斧鉞用石氏讚

者海中占曰井鉞一星不欲明明則斧鉞用石氏讚

曰東井主水衡以平時故置鉞星司淫奢今西士外

增一星北河三星距度見前黃帝占曰北河成

屬參北河為衛石氏曰北成至中國鄰萌曰北河

成下多小星將不明多失職至成曰流星入北河胡

兵起一曰流星入北河為水為飢荆州占曰客星守

北河戒后有乳疾今西南河三星距度見前黃

士北河三星外增五星南河帝占曰南河成為權石

山河兩戒考

卷之十

七

氏曰南河成至夷狄鄰萌曰客星行南河界中若守

之皆為旱巫咸曰流星犯南河蠻兵起石氏曰客星

出南河暈三重必有降城今天樽天樽二星在井東

西士南河三星又外增九星天樽北距西星去極六

十八度入井宿十六度廿氏讚曰天樽惑民五諸侯

麟育幼孤注曰天樽至盛饋粥以給貧病也五諸侯

五諸侯五星距度見前石氏曰五諸侯星明大潤澤

大小齊同者吉諸侯星正行光明不相凌侵五禾五木

禮脩備則五諸侯星正行光明不相凌侵五禾五木
應以大豐元命包曰五諸侯星流四去外牧傷今西
士五諸積水積水一星在北河西北去極五十四度
侯七星積水半入井宿十八度廿氏曰積水一星一
名聚水積聚美水以給酒官之旗黃帝占曰積水者
甘泉也擬於醪釀以待賓客其星欲明天下安饗謙
之禮行其星不明五穀不登積薪積薪一星在積水
饗謙禮廢徭役殷煩人民憂積薪東南去極五十四
度半入井宿二十七度石氏曰積薪聚薪也聚薪以
給享祀又曰積薪與積水相去五尺以內天下太平

五穀成若相去一丈以外天下飢荒人民流亡去其
鄉黃帝占曰積薪所以給庖廚以燎熟飲食其星欲
明明則王者安五穀熟其星不明則庖廚空虛今西土積薪一星外增四星
西南鉞星下距西星去極七十六度半入井宿七度
半巫咸曰水府水官也甘氏讚曰水府隄防開道激
滿乾象新書水府屬參今西土水府四星外增二星屬齊
水位水府四星外增二星屬齊水位距西星去極七十
三度半入井宿十七度石氏曰水位星主水衡衡平
象水黃帝占曰水位至水官也其星微小如其故則
陰陽和雨澤以時天下安其星明大永橫流四瀆
五穀傷民以水飢今西土水位四星外增五星
四瀆四星在井南距西南星去極八十六度入井宿
二度廿氏曰四瀆四星在東井南轅東讚曰四瀆委
輸濂源注海注曰四瀆者江淮河漢之南狼星西距
西北星去極一百七度半入井宿初
度巫咸曰軍市水官也石氏曰軍市星衆則軍有餘

山河兩戒考

卷之十

糧星少即軍飢今西土野鷄野鷄一星在軍市中距
軍市五星外增四星野鷄度見前荆州占曰野鷄
野將也至兵又占曰野鷄出市天下有兵黃帝占曰
野鷄星明大則王將猛士卒強石氏曰野鷄安靜吉
芒角凶今西土孫孫二星在子星東距西星去極一百
士野鷄二星扶持今西土子星東距西星去極一百二十
入杖行子孫外增一星子東距西星去極一百二十
士孫入參宿九度今西土丈人丈人二星在鳳東南距
八度入參宿四度鄰萌曰有客星入丈人明臣不得通
武密書丈人二星子孫各一星屬井乾象新書孫屬
井丈人與子屬參今西土闕丘闕丘二星在井南距
士丈人子孫俱屬參闕丘大星去極九十一度少
入井宿十四度元命包曰闕丘至闕隆丘之官毀疏明
恩以立五常宋均曰闕丘至闕隆丘之官也毀疏明
於王歷則遷之於禮更立親近明恩情所在也甘氏
讚曰闕丘雙塾外屏聚息注曰闕丘門外象魏也天

子謂之闕諸侯謂之兩觀丘高也塾門西高堂也天子外屏采挀在宮門外諸侯內屏采挀在宮門內所以別尊卑也今天狼一星距度見前莊公七年西士外增一星天狼夏四月星隕如雨公羊傳注曰周之四月夏之二月昏參伐狼注之宿當見參伐至斬又立義狼注主持衡平也案狼注注與殊同朱鳥口星也狼在井鬼之西故亦得謂之注也黃帝占曰狼星一名夷將其星色欲黃白無光芒動搖天下寧兵不起元命包曰狼星變色盜賊萌巫咸曰狼在盛兵弩貴小兵弩賤鄭康成曰狼星至羊注曰狼在於未未為羊也陳子龍曰近測星之大者莫過於狼與織女其體大故秦西南皆占狼星今西士天狼一星外增一星天狼一星距度見前荆州占曰天狼一星四星張迎戰者不勝張動先用兵者吉黃帝占曰其星大而齊明色黃潤則天下無兵荆州占曰派星青黑有大憂今西士派矢九星外增十八星老人一星在孫星南去極百四十三度入井宿三度元命包曰直派比地有一大星曰南極老

山河兩戒考

卷之十

太

人見則至安常以秋分候之南郊晉灼注天官書曰比地近地也郁萌曰老人南極星也立秋二十五日晨見丙午之間注曰以秋分見南方春分而沒出丙入於丁黃帝占曰老人星一各壽星石氏曰老人星明至壽昌天下多賢士孫氏瑞應圖曰王者承天則老人星臨其國今西士老人星一星外增二星屬井積尸氣積尸氣在鬼中央白如粉絮似雲非雲似也中一星為積尸一名質質欲其沒不明明則兵起大臣諫陳子龍曰鬼宿舊傳四星其中積尸氣如雲耳近測得二大星中間實有三十六小星也此皆古人儀器未精之故案後漢志質星為誅戮質欲其忽忽不明明則兵起而崇禎戊辰局中所測其星較多於舊者此亦咎徵之應燿燿四星在鬼上軒轅尾西非但屬儀器未精之謂燿距西北星去極六十度半入井宿二十九度一名燿狂巫咸曰燿土官也晉氏讚曰燿舉烽表遠期沉浮注曰燿烽火警急以火相

告日行萬里天官書南宮朱鳥權衡孟康曰軒轅爲
權太微爲衡正義曰權四星在軒轅尾西主烽火備
警急占以明爲安靜不明則警急搖動芒角亦如之
案詩緯推度災曰軒轅一曰權星主雷雨之神權主
烽火非權也正義說誤晉志權四星屬天狗天狗七
天市垣今西土耀七星外增二星屬井天狗
東北距度見前郗萌曰天狗非其故天下有大通黃
帝占曰客星人天狗中國多大暴風雨廿氏讚曰野
狗嚮吠雌雄咸卑乾象新書外廚外廚六星在柳南
天狗屬井今西土天狗屬柳外廚距天星去極九
二度半入鬼宿二度廿氏讚曰外廚五星又外增四星
武密書外廚屬柳今西土外廚五星又外增四星
天社天社六星在弧南距度缺唐古經曰昔共工子
萌曰天公社者非私所事也所祠者公社至也乾象
新書天社西四星屬井中一星屬鬼末一星屬柳今
西七天社七星外天紀一百一度入柳宿三度廿氏
增五星並屬柳

山河兩戒考

卷之十

九

讚曰紀別少齒胎天不屠注曰天紀至知禽獸年齒
凡所烹宰不殺孕不天勿以致繁育故處外廚之門
也武密書及乾象新書天紀屬鬼皆鶉首也位在南
俱屬柳今西土作天記屬星

正之西分野屬雍州西貢黑水西河惟雍州孔傳曰
雍州郭注曰自西河至黑水那曷曰案鄜元水經黑
水出張掖鷄山南流至燉煌過三危山南流入於南
海然則雍州之境東據龍門河西距此黑水也周禮
正西曰雍州其山鎮曰嶽山共漳蔽曰弦蒲其川涇
納其浸渭洛孔疏曰周之雍豫於禹貢兼梁州之地
秦并天下置內史上郡北地九原隴西雲中漢以其
地西偏置涼州改雍曰涼分內史爲京兆及馮古秦
翊扶風領於司隸元命包曰井鬼星散爲雍州

見前考春秋經傳秦地有雍江祁涇靈臺王城具圖
彭衙共池北徵新城郭首少梁河西麻隨侯歷新楚
域林中南桓十年傳虞公出奔共池杜注共池地名
闕案詩侵阮徂共飛氏曰共阮之地名皆在今涇州

闕案詩侵阮徂共飛氏曰共阮之地名皆在今涇州

今有共池文四年傳晉侯伐秦圍郿杜注秦邑案秦本紀與魏職元里正義曰郿城在今同州澄城縣界文十年傳秦伯伐晉取北徵杜注報少梁案溝洫志自徵引洛水至商顏下應劭曰徵在馮翊師古曰卽今之澄梁見前史記十二諸侯年表晉獻二十三年城縣夷吾奔梁時秦穆公六年也又十有三年滅圍見前竹書祖乙十五年命邠侯高圉盤庚十九扶風狗邑有幽鄉公劉所芮見豐見前竹書帝辛三都太王以前蓋景葉居郿前豐見前竹書帝辛西伯自程遷於豐至畢見前竹書康王十二年王大饒周爲豐侯國也畢錫畢公命蓋以侯錫爲公也

山河兩戒考

卷之十

駘見前杜其民於杜宣王四十四年冬十月王師滅唐遷有駘見前杜其民於杜宣王四十四年冬十月王師滅唐遷有

扈見前太史公曰禹爲姒姓其後密須見前竹書帝分封用國爲姓故有有扈氏密須見前竹書帝

密人侵阮西伯帥師伐密庸見前竹書周夷王七年三十三年密人降於周師庸楚子熊渠伐庸至於鄂

考春秋經傳庸地有庸方城裨儵魚僖四年傳服虔注方城山在漢南索隱謂未知有何依據服蓋誤以庸方城山蜀見前

爲楚也前見前髮及崇僖十九年傳子魚崇言於宋公曰文王閭崇

德亂而伐之杜注崇崇侯虎襄三十一年北宮文子言於衛侯曰文王伐崇再駕而降爲臣竹書帝辛二十

十四年周師取耆及邢遂伐崇崇人降是也宣四年趙穿侵崇秦弗與成杜注崇秦之與國蓋周時有別

封於崇者文獻通考曰國在雍州郿縣東連山易云鮫封於崇竹書帝堯六十九年黜崇伯鮫水經注泗

水南逕稭城東城西南有崇侯虎廟漢文十六年傳

皇甫謚謂處夏商周皆有崇國也漢文十六年傳

聚於遷將伐楚杜注百濮夷也昭元年傳吳濮有鬻杜注吳在東濮在南今建寧郡南有濮夷昭九年王

使詹桓伯辭於晉曰巴濮楚鄧吾南土也伊尹四方獻令曰正南百濮國語楚蚡冒始啓濮爾雅南至於濮鄧郡國志越嵩會無縣亳昭九年傳肅慎燕亳吾華陽國志曰故濮人邑亳北土也鄭樵通志京兆

杜縣有亭亭水經注曰秦本紀寧公二年伐湯三年
與亳戰亳王奔戎遂滅湯然則周桓王時自有亭王
號湯爲秦所滅乃西岐昭九年傳魏駘芮岐畢吾西
戎之國非殷湯矣岐土也杜注岐在扶風美陽縣
西北竹書商武乙元年邠遷於岐周三年命周公奭
父賜以岐邑漢志扶風美陽縣禹貢岐山在西北中
水鄉太王所邑詩稱太王居岐之陽實始翦商毛傳
曰翦齊也鄭箋曰翦斷也朱子集注曰王述始著蓋
有翦商之漸案太王居邠適當商王祖甲之季竹書
寡及其未也繁刑以攜遠殷道復衰國語曰玄王勤
商末有四世帝甲亂之故後世遂有斷商之說據爾
雅釋詁文曰勞來張事謂翦篲勤也實始翦商蓋言
實始勤商也玄王勤商其義一也况當時戎狄屢侵
喻梁遠岐避難於數百里外謂是實始斷商當無是
理也許慎說文引詩作戡商戡福也揚用脩曰蓋謂
太王始受福於商而大其國耳不知後世麗莊二十
何以改戡作翦直欲追改經文非訓也麗莊二十

山河兩戒考

卷之十

伐驪戎驪戎男女以驪姬杜注驪戎在京兆新豐縣
其君姬姓其爵男也漢志京兆新豐縣驪山在南括
地志故驪城在新豐縣東南十六里竹書成王三十
年離戎來賓沈約注曰案離戎驪山之戎也莊子齊
物論長梧子曰麗之姬艾封人之子也史記始皇三
十五年徙三萬家於麗邑卽驪戎故城在今臨潼
縣東二攜昭二十六年傳幽王戎愈厥位攜王好命
十四里攜諸侯替之而建王嗣杜注攜王幽王少子
伯服也王嗣宜白也王幸褒姒生伯服欲立之而殺
天子太子奔申案竹書幽王十一年申人鄭人及夫
戎入宗周戡王犬戎殺王子伯服執褒姒以歸申侯
魯侯許男鄭子立宜白於申虢公翰立王子余臣於
攜平王二十一年晉文侯殺余臣於攜攜周邑攜王
蓋余臣非伯服也詩小雅赫赫宗周褒姒滅之毛傳
曰褒國也姬姓也括地志褒國城在梁州褒定襄四
城縣東二百步水經注云南鄭故褒之附庸定襄四
定姒薨不殯於廟定十五年九月葬定姒魯有兩定
姒相去凡七十四年國名記云定國姬姓渭水有定

城述征記定城去潼關三十里夾道允戎昭九年傳

各一城夫人定奴世以爲諡失之先王居構

扼於四裔故允姓之姦居於瓜州今敦煌水經河水過駁

祖與三苗俱放三危者瓜州今敦煌水經河小榆谷北

煌酒泉張掖郡南又東逕允川而歷大榆小榆谷北

後漢西羌傳燒當之孫滇哀居大允谷皆以允戎之

故居名也莊二十八年傳晉獻公娶二女於戎小戎

子生夷吾杜注小戎允姓之戎僖二十二年傳秦晉

徙陸渾之戎於伊川杜注允姓之戎居陸渾在秦晉

西北陸渾故瓜州地也今肅州衛西五十里二十六里

有城犬戎閔二年傳虢公敗犬戎於大畢伯士賈逵

州城犬戎別在中國者史記周時犬戎敗逋則是春秋

曰犬戎之君竹書穆王十二年更北巡狩遂征犬戎

懿王二十一年虢公帥師北伐犬戎敗逋則是春秋

已前虢公有伐夫戎者非閔二年之虢公也漢書楊

暉曰安定山谷之間昆戎舊壤史記匈奴傳作緄戎

漢書作吠戎小顏曰犬戎即昆夷山海經黃帝曾孫

弄明生白犬白犬有牝牡是爲犬戎白犬戎人之名

山河兩戎考

卷之十

三

也風俗通以高辛犬名盤瓠妻帝女生白狄僖三十

六男六女白爲夫婦爲夫戎祖蓋妄矣白狄別種也故

侯敗狄於箕郤缺獲白狄子杜注白狄狄別種也故

西河郡有白部胡漢志上郡白土縣括地志白土故

城在鹽州白池縣東北三百九十里遷延州銀州綏

州春秋時白狄所居國語桓公西征攘白狄之地是

也王符潛夫姜戎氏之虛襄十四年晉執戎子駒支

論白狄姬姓姜戎氏之虛范宣子數諸朝日來姜戎

氏昔秦人迫逐乃祖吾離於瓜州杜注四岳之後皆
姜姓又別爲允姓則姜戎亦陸渾之別部先時爲秦
所逐者案竹書宣王三十九年王師伐姜戎戰於干
畝王師敗逋平王十八年秦文公大敗戎師於岐來
歸岐東之田則姜戎本在秦晉之間後爲秦人所迫
逐遂居敦煌非故與允姓同放三危者韋昭國語注
姜戎西皆其分也漢志京兆下邳縣故邽戎馮翊臨
夷豹種皆其分也晉縣故大荔或北地胸行縣故胸
行戎義渠道故義胸戎安定朝那縣故戎那邑隴西
上邽縣故邽戎邑對郡徙縣故徙夷健爲故夜郎國

雙道縣故夔國越巂中郡縣故中郡國定祥縣故作
國益州滇池縣故滇王國祥何且蘭縣故且蘭侯邑
漏卧縣故漏卧侯國句町縣故句町國史記句奴傳
自隴以西有絲諾翟獯之戎涇漆之北有烏氏之戎
相如傳有冉駹斯榆菴滿西南夷傳勞漫
靡莫犛昆明白馬之屬皆應在鶉首次中

山河兩戎考

卷之十

三

天下山河兩戒考補卷十一

當塗徐文靖著

鶉火之次

鄭注月令曰季夏者日月會於鶉火斗柳建未之辰也周禮曰鶉火一名朱鳥注柳

柳八星星經曰在黃道外十二度爾雅柳鶉火也鄭注考工勅人曰鶉火朱鳥宿之柳其屬有星孔疏曰

當鶉火三星柳為首故先舉其首後言其屬也聖洽符曰注者木功也郝萌曰注星明厨養其未央分野

音近味柳為鳥味也今西十柳宿五星外增一星

星七星星經曰在黃道外二十一度少皇甫謐曰

星主兵今西土星張六星星經曰在黃道外二十

十三星外增一星張六度半南官候曰張一名御府

寶齊伯曰張為周庫又為都官孝經章句曰張為天

相其西四星四輔也石氏讚曰張主賜客賓主媼故

卷之十一

一

山河兩戒考

近少徵禮義時今西三宿酒旗酒旗三星在柳北軒

士張七星外增五星去極七十三度入柳十四度酒酒官也旗旗官也元

命包曰酒旗至上尊曆紀齊得諸靈合權故設酒旗

以人循神晉志酒旗屬天市垣通占鏡屬柳又屬柳

屬七星乾象新書屬天市垣通占鏡屬柳又屬柳

軒轅陳陵一曰權星郝萌曰軒轅女主之廷也一曰

天柱荆州占曰軒轅前大星明一曰天關主陰關石

氏曰軒轅十七星南端明者女主也母也女主北一

星屏也上將也北六尺一星次妃也其次皆次妃也女主南三尺星

不明者女御也御西南丈所一星大明也太后宗也

御東南丈所一星小

明也

皇后天宗也又曰軒轅星合

為百二十妃大小相次

后宮多子孫晉志軒轅屬天

市垣乾象新書西八星

屬柳中屬七星末屬張今西

士軒轅二十五星

內平

內平四星在軒轅東北中台

外增七星屬張

內平

南距四星去極五十二度入

張宿六度廿氏讚曰內平近決讞請禮書注曰內平
近執法之官有疑則準案禮書晉志作內屏屬天市
垣武密書屬柳乾象新書屬天相天相三星在七星
張今西土內屏三星亦屬張天相大星北酒旗南距
北星去極九十五度入星宿六度石氏曰天相者天
丞相也主服綠色文章巫咸讚曰天相節服綠色顯
光晉志天相屬天市垣武密書屬七星稷稷五星距
乾象新書屬軫今西土天相六星屬張稷稷五星距
帝占曰稷星溫溫而明熾大熟五穀成石氏曰稷星
不見歲饑也晉志作天稷武密書天稷屬七星又屬
柳乾象新書西二屬七星天廟天廟十四星在張宿
星屬柳餘屬七星屬七星天廟天廟之祖廟也甘氏讚曰
五十二度入張六度天廟天子之祖廟也甘氏讚曰
天廟祭祀示民不怠黃帝占曰天廟星大色黃潤則
吉今西土屬張今西土又有御女一星屬張案古
無此星屬張曆女御即在軒轅星內不別載皆

山河兩戒考

卷之十一

面所分野屬三河詩王城譜曰王城者東都王城畿
在內方六百里之地其封域在禹貢
豫州太華外方之間孔氏疏曰禹貢豫州注州界自
荆山而至於河而王城在河南洛北是屬豫州也天
官書於柳星張分野不言豫州而言三河者舊以河
東河南河內爲三河東周之初兼有河內周季止河
南一郡若河東自在實沈次中於周何與案禹貢冀
州孔傳曰此州帝都不在實沈界以餘州所至則可知
疏曰兗州云濟河豫州云荆河雍州云西河明東河
之西西河之東南河之北是冀州之境則亦以三面
距河爲帝都也東都王城所在以河洛伊爲三河故
不得比於列國但係之以一州也易緯河圖曰河導
昆侖東至雒會名地神上爲紀星論語識曰天紀九
星以表九州定圖位又七星上係軒轅得土行正位
當洛邑天下之中當時武王定鼎周禮疏曰武王克商遷
紀天下上應天象者賈公彥周禮疏曰武王克商遷
九鼎於洛欲以爲都者欲取河洛之間形勝之所考
之職方豫州之榮雒荊州之潁嵩兗州之河

崇帶

左右而三河居天下之最中天地之所合四時之所
交陰陽之所會風雨之所和東京賦所謂沂洛背河
左伊右瀍者也蓋自大司徒以土圭之法正日景謂
之地中保章氏星土之辨各有分星廿氏諸家互相
傳述漢世司馬談父子世掌天官而以周之分野屬
三河誠有見於三河者為諸州之總會故不得比於
列國但係之
鄭伯秦伯以師從王入於成周東遷以後皆以成周
為東都是也考春秋經傳周池有鄆絺盟州陘囂懷
鄆閭郊要餞揚領京皇社陰川坎飲翟泉柳垂郊鄆
馮孟瓦屋隰鄆攢茅酒泉伊川坎飲翟泉柳垂郊鄆
鄆田漢梁轅轅平時維汭三塗陽城太室景亳孟津
甘鹿北山圃車前城東圃侯氏谿泉任人京楚平陰
澤邑牆人直人阪道尹道左卷西關三川乾祭東訾
尸氏施谷褚氏荏谷胥靡闕塞圍澤隄上負黍狐人
關外姑猶儀栗窮谷穀城簡城上雒榮錡氏又西周
之地駝岐幽毓岐陽鄭宮亦時見焉其餘內諸侯封

山河兩戒考

卷之十一

三

國采邑並 號 見前號叔之號西號也號地 鄭 見前竹
詳於後 有 詳莘渭汭上陽下陽桑田 鄭 書平王
三年王錫司徒鄭伯命五年鄭遷於溱洧此新鄭立
國之始春秋經傳鄭地有制京祭祈櫟滑鄆弭扈
匡申棐儵鄆鄭管敖鄆鄭訾鄆鄆樞向瓊苑圍渠
鄭岳戈錫廩延城潁潁谷長葛狐壤時來武父渠門
大陵虎牢純門魚鼈桐丘北澤踐土衡雍兩陵汜南
原圃鄆城絲訾垂隄狼淵柯林南里柳夢潁北榮澤
伯牛丘輿蟲牢繞角修澤鳴鴈督揚制田高氏曲洧
柯陵汝上城隸鄆門陰坂陰口中分陽陵舊許濟隧
亳城蕭魚魚陵上棘岍然胥靡獻于雍梁梅山棘澤
城廩樂氏黃崖墓門斗城 酸棗閨門薰隧犍郊鈞臺
菟氏索氏桑山時門洧淵 臯鼫中城戶隔師之梁桔
秩之門周氏之汪萑苻之澤暴卽暴隧戲卽戲童鄆
卽鄆陵新城卽新密鄭地為周所取者鄆劉焉邢之
田案襄十年傳師於牛首杜注牛首鄭地是年秋諸
侯伐鄭師於牛首十一年四月己亥齊太子光宋向
戌先至於鄭門於東門則十年秋未至鄭明矣先時

桓十年宋伐鄭取牛首時牛首已為宋地不當屬鄭
又哀十三年吳囚景伯以還及戶歸杜注戶牖陳留
外黃縣西北東昏城是竹書安王二十一年韓成鄭
韓自此改稱鄭十一年鄭釐侯使許息來致地平丘
戶牖首垣諸邑戶牖蓋鄭地也考畧以為宋地非襄
七年鄭伯卒於鄭杜注鄭鄭地考畧引路史曰盟會
圖疏鄭侯國在慈州案世本唐叔虞居鄂宋衷曰鄂
地今在大夏括地志故鄂城在慈州昌寧縣東二里
隱六年傳逆晉侯於隨納諸鄂是為鄂侯是也鄂鄂
字近而訛羅泌妄引之考畧遂據以為鄭侯國非是
管見前竹書武王十二年夏四月王歸於豐見前
命監殷遂狩於管當是管叔始封之年也檜檜一
作東號見前竹書幽王十一年犬戎殺王子伯服號
鄭人滅號號密見前其後密入於滑見前路史拱州
仲之號也鄭鄭謂之新密襄邑縣西北有
滑亭後遷於唐見前竹書孝王元年命申侯伐
費曰費滑唐前西戎幽王十一年申侯立宜白

山河兩戒考

卷之十一

於申平王三十三年楚人鄧見前水經注鄧城東南
侵申三十六年王人戍申鄧有小山先後名之為鄧
塞祝融氏之都前見及周公治東都沈約曰平公即君

陳伯禽之弟宣王元年周定公輔政蓋其後也隱六
年周桓公杜注周采地扶風雍縣東北有周城水經
王東遷周亦食采於東不當以西周采地為說水經
注河南城西有周山皇覽曰周山在河南城西南柏
亭西一統志周山在城南一十五里下有周谷蓋周
公之采地也周公忌父死叔帶之難周公楚下無聞
焉至考王封弟揭於河南以續周公之官是為西周
桓公威烈王嗣位桓公孫惠公封其少子班於鞏以
奉王號東周惠公顯王二年韓趙乃即其所封分周
為二河南緱氏穀城三邑屬西周洛陽平陰偃師鞏
屬東周於是東西周同於列國顯王特寄居洛陽而
已般王復徙於西周赧四十五年周君之秦東周也
以微弱不知名號五十九年西周君奔秦東周惠公孫
曰西周武公西周君與王般並卒秦遷東周惠公孫

咎公於豎狐聚後七歲莊襄王滅東西周而以陽人聚為周君祀括地志陽人故城在汝州梁縣西南四十里汝州外古梁召竹書成王七年春三月召康公

政德二十四年富辰曰召穆公思周德之不類故糾合宗族於成周而作詩杜注召采地扶風雍縣東南有召亭其後平王東遷召亦於東都受采春秋時有召伯廖召伯奐召伯盈晉地道記河東垣縣有召亭

蓋召公分陝之後所甘傳二十四年傅初甘昭公有徙其後遂因之也寵於惠后杜注食於甘昭公南縣西南有甘山海經鹿蹄之山甘水發於東麓卽是水也水經注甘水東一十里許洛城南有故甘

城尹竹書幽王元年王錫太師尹氏皇父命是西周尹氏周世族大夫成十六年公會尹子伐鄭杜注尹王卿士子爵傳曰尹武公是也後有尹言多尹文

從尹道伐尹水經注宜陽縣有共谷共水出焉南流公尹辛皆其後也昭二十三年王子朝入於尹劉子

山河兩戒考

卷之十一

得尹谿口水出西北尹谷尹氏之采地故取名劉宣也鄭樵通志汾州故尹地蓋尹吉甫之所封

年傳秋劉康公來報聘杜注卽王季子也其後食采於劉水經注劉水出牛石東山西北流注於劉聚在纒氏西南周畿內劉子國故謂之劉澗昭二十三年

劉子如劉二十六年王城人焚劉杜注劉子邑及定王時劉毛伯文元年天子使毛伯來錫公命杜注毛國氏亡毛伯爵諸侯人為卿士者周書克殷解毛叔

鄭奉明水是毛為叔鄭封國書顧命乃同召太保奭芮伯彤伯畢公衛侯毛公孔傳曰司空第六毛公領之竹書康王十二年秋毛懿公薨卽書所謂毛公也

穆天子傳天子東升於三道之隘命毛班遂固先至於周郭璞曰毛班毛伯衛之先也竹書穆王三十五年

水旁有毛泉近上邽案上邽故邽國秦武公十年伐邽縣之其地為今秦州清水縣屬鞏昌府河南安得近之嘗見宋本水經注於穀水注中藥草蔽翳下錯以渭水注中渭水又東得歷泉至卽洋水也三百

二十有二字列於其下內有云藉水又東合毛泉谷水又東逕上邽城南路史不審其誤遂謂毛泉近上邽矣案僖傳云狄伐周獲原伯毛伯注原毛皆采邑是有毛城毛城在河南也一統志元城縣有屯氏河一名單莊元年夏單伯送王姬杜注單伯天子卿也薛尚功曰單在周為盛族單自襄公至六世而世有明德或稱單子或稱單氏成十七年公會單子伐鄭昭二十三年百工叛伐單氏之宮路史以單國在單州單父武隱五年天子武氏大夫之嗣也水縣豈亦入為卿士者武氏子大夫之嗣也水經注洛汭之水東合武里水水南出武里山一統志武元年在濟源縣西一十二里武武氏乘地也榮莊元年王使榮叔來錫桓公命杜注榮叔周大夫榮氏叔字案竹書成王九年王使榮伯錫肅慎氏命厲王元年王作夷宮命卿士榮夷公落章昭曰榮國名馬融曰周同姓畿內諸侯為卿大夫也昭二十三年王崩於榮錡氏杜注河南鞏縣西有榮錡澗路史邊以為即榮國周脾經有榮方戴記宰我問有榮伊邊

山河兩戒考

卷之十一

莊十九年傳邊伯之宮近於王宮王取之杜注邊伯周大夫史記周本紀邊伯等五人作亂是也山海經白邊之山又西曰熊耳之山熊耳在宜陽家杜注邊伯在其東或當時邊伯采於是也天王使縣白邊即在其東或當時邊伯采於是也天王使家父來聘杜注家父天子大夫家氏父字林注家父凡伯皆大雅之舊人也案水經注絳縣西有女家水出於家谷竹書桓王元年莊伯公羊傳何休注曰家萬救翼荀叔軫追之至於家谷公羊傳何休注曰家采地樊莊三十年傳魏公入樊執樊仲皮杜注樊皮是也樊周大夫章昭曰樊在畿內郡國志修武縣有陽樊田水經注潁水逕陽石莊十九年傳石速與五城東陽亦樊也亦曰陽樊大夫作亂因蘇氏杜注膳夫石速也周語惠王三年石邀出王而立王子穰是也水經注洛水又東逕鞏縣故城南又東濁水注之又東北合洞水水發南谿石泉亦名為石泉永今鞏縣東南有石子河石蓋其采地也昭三十三年王使石張如晉定十四年天王使渠渠四年夏天王使石尚來歸賑是皆石速之後

山河兩戒考

卷之十一

注宰官渠氏伯糾名也案昭二十六年傳劉子以王
出次於渠杜注渠周地水經注洛水又東合渠谷水
水是渠亦采地也 鄆 昭二十二年單子以王次於

鄆亦謂之北鄆又有鄆城 左 信二十四年王使來告
蓋周大夫鄆咥之舊邑 難使簡師父告於晉使
左鄆父告於秦杜注二子周大夫水經注左澗水東

出近川西流注於共水在宜陽縣東左澗即左鄆父
所居之簡簡即簡師父采地定八年單子南 隱九年
地也 簡簡即簡師父采地定八年單子南 隱九年

南季來聘白虎通文王第十子南季載後也水經注
涓水逕陸渾縣故城北東南流左合南水水出西山
七谷南氏 鞏 昭二十二年子朝奔京鞏簡公敗績於

食采處也 鞏 京杜注周卿士水經注鞏縣故城本周
之畿內鞏伯國也今縣 莊十九年傳惠王即位取
西南三十里有故鞏城 為 國之圃以為囿為子國

之采邑也案隱十一年王取為邢之田於鄭後遂以
為封邑襄三十年僖括圃為逐成愆杜注成愆為
邑大夫先時莊二十一年號鄭同伐王城 葛 定元年

殺為國故是時以單公子成愆邑於葛也 葛 孟懿子
會城成周晉女叔寬曰葛叔違天杜注天既厭周德
葛弘欲遷都以延其祚故曰違天哀三年六月癸卯

周人殺葛弘杜注終違天之禍案子貢詩傳葛弘忠
於王晉趙鞅殺之周人傷之賦有兔左傳及杜注皆
以為城周遠天之咎謬矣路史姬 姓有葛伯漢書藝

鄉城太康地記涿郡有長鄉古葛 長通用今鞏縣西
南有長羅川源出汜水縣方山皇 覽洛陽縣東北山
有葛 辛 桓十八年傅周公欲立王 子克辛伯告王杜
弘冢 辛 注辛伯周大夫案襄四年 傳昔周辛甲之為
太史也命百官箴王闕竹書昭王 十九年祭公辛伯
從王伐楚喪六師於漢穆王元年 命辛伯餘靡皆其
後也地理志上黨長子縣辛甲所 祭 隱元年冬祭伯
封至東遷之後辛伯亦從而東 祭 來杜注祭伯諸

侯爲王卿士者祭國伯爵也德二十四年富辰曰祭周公之胤也國語穆王將征犬戎祭公謀父諫不聽穆天子傳祭父自圓鄭來謁桓八年祭公來莊二十三年祭叔來聘皆是杜注釋例曰祭城在河南土有敖倉周公後所封括地志敖倉在鄭城是也桓十五年傳今鄭州東北一十五里有祭城是也桓十二年傳祭封人仲足杜注祭鄭地陳留長垣襄十一年傳祭有祭城二祭雖在鄭境相去甚遠陰襄十二年傳許昏王使陰里結之杜注陰里周大夫後有陰里陰不佞案隋志河南宜陽縣有陰山水經注太陰谷水南出太陰谿北流注於洛洛水又仍桓五年天子東合白馬谿水出宜陽山澗是也仍使仍叔之子來聘杜注仍叔天子之大夫毛萇詩序曰雲漢仍叔美宣王也仍氏世爲周大夫古仍任通用仍叔穀梁作任昭二十二年王師軍於汜於成子受賑於社不敬成子成肅公顏師古曰周大夫也案史記管蔡世家武王第七子曰成公武武王封之於成郡國志濟

山河兩戒考

卷之十一

八

北成縣本國又濟陰有成陽縣詹莊十九年王奪子應劭曰爲成所遷故曰成陽也詹禽祝跪與詹父田杜注三子周大夫昭九年王使詹桓伯辭於晉杜注桓伯周大夫國名記宣王支子詹侯之後也詹周定王季封詹襄三十年傳詹季杜注簡王弟也其子詹括欲立王子倭夫後奔晉定六年天王處於姑蒨辟詹翽之亂襄三十年傳瑕廖奔晉昭十二年詹氏世爲周患瑕牟成景之族殺瑕辛於市杜注周大夫案瑕邑名也昭二十四年王子朝之師攻瑕及杏杜注瑕杏敬王邑洛陽記禹州城北有杏山老昭十二年傳老陽子杜注周大夫水經注富傳二新城縣西北有老到澗澗水西流入於伊富十四年王將以狄伐鄭富辰諫弗聽韋昭曰富辰周大夫也金史地理志鄧州內鄉縣有富水水經注富水又東逕富陂縣故城伯文十四年傳周公閱與王孫蘇北漢志縣屬汝南爭政王使尹氏與聃啓訟周公於聃冉或作聃國語聃由鄭姬賈達曰文王子聃季

之國聃啓蓋其後也國名記聃國伯爵京兆今有聃
亭其後聃徙而東僖二年闔章因鄭聃伯聃當在周
之畿內與鄭近也史記索隱曰莊十八年楚克權遷
於那處杜注南郡編縣有那口城聃與那皆奴甘反
非賓昭十二年傳王使賓滑執甘大夫襄杜注賓滑
也賓周大夫二十二年傳賓起有寵於景王亦曰賓
孟賓蓋其采邑也水經注中川水與賓水合而北流
逕盧縣故城東賈公彥注王制曰依周禮畿內開田
大夫則於二百里為采地是采地不於四百里為采地
則於五百里為采地是采地不止近畿又有侯伯
而入為卿士者慶定七年傳單子劉子逆王於慶氏
則從本國之號慶杜注慶氏守姑猶大夫王符潛夫
論仲山甫封樊慶姓則慶氏固樊之別封也其後有
慶普漢世傳禮為慶氏學晉安帝時有慶純為侍中
以避清河王黨定七年王入於王城館於公族黨氏
諱改賀氏黨杜注黨氏周大夫案莊三十三年傳
築臺臨黨氏哀十一年季孫使冉求侯於黨氏夷莊
之溝魯亦有黨氏賈逵曰黨氏魯大夫任姓

山河兩戒考

卷十一

九

六年傳晉武公伐夷執夷詭諸杜注詭諸周大夫夷
采地名晉伐夷不有其地既而為國謂晉曰與我伐
夷而取其地即此也僖二十三年楚伐陳取焦夷杜
注夷一名城父此又別是一夷案此時之夷尚未各
城父襄元年晉侵楚焦夷及陳亦未各城父也昭九
年楚公子棄疾遷許於夷實城父取州來淮北之田
以益之然丹遷城父人於陳夷實城父取州來淮北之田
夷田在濮水西者此時遷城父人於夷改夷為城父
何又名城父為夷焦夷之夷在亳今改曰夷實城父
也夷濮名夷者蓋夷國歷襄公時尚未改也夷田在
濮水西者水經注濮水出河南密縣大騮山又東南
逕長社故城西北南濮北濮二水出焉是也地形志
陳留浚儀縣有城父此夷也誤原僖二十四年富辰
云城父當即為周夷伯之國也原曰原文之昭也是
年秋頹叔桃子奉太叔以狄師伐周大敗周師獲原
伯杜注原采邑二十五晉侯朝王以原田賜晉
冬晉侯圍原遷原伯貫於冀杜注伯貫周守原大夫
案原伯伯爵貫各昭十二年周原伯綏十八年周原

伯魯皆稱原伯不得以伯貫爲二名也又案周本紀叔帶殺譚伯唐固據左傳讀譚爲原則亦稱原伯也括地志故原城在懷隱十一年王與鄭向十三州濟源縣西北二里志曰軹縣南山西曲有故向城卽周向國也竹書幽王五年皇父作都於向詩小雅皇父孔聖作都於向是也朱子集傳曰向地名在東都游僖二十四年王使游孫伯如鄭請滑杜注周畿內游大夫案水經注淮水於廣陵淮浦縣枝分北爲游水游水又北逕祝其縣故城西又東北逕紀鄆故城南所歷皆春秋諸國之地或當時游水之上故有封邑所未詳也又案費成十三年傳晉絕秦曰殄戰國策有游騰其後也費滅我費滑杜注費滑滑國都於費今緱氏縣史記禹後用國爲姓有費氏世本費作弗羅莘注路史曰河南費禹後括地志緱氏故城本費梁哀四年傳楚爲一昔之期侵梁及霍杜注皆蠻子之邑也水經注汝水之右有霍陽聚汝水逕其北束合霍陽山水水出南山左傳哀四年楚侵梁

山河兩戒考

卷之十一

及霍服虔曰梁霍周南鄙也水又逕梁城西春秋周小邑也於戰國爲南梁矣晉志河南梁謂爲南梁別少梁也又謂之三梁大梁少梁南梁爲三史記穰侯列傳戰勝三梁索隱曰三梁卽南梁也地道記梁縣西南十五里有梁國城竹書貞定王七年晉荀瑶城南梁秦城西周徙其君此城杜以梁爲蠻子邑非也周梁伯姬姓郡同志河南桓九年楚子使道朔將梁縣故國伯翳後亦非夔巴客聘於鄧鄧南鄙鄧人攻而奪之幣杜注鄧在今鄧縣南沔水之北水經注消水南逕鄧塞東又逕鄧城東古鄧子國也蓋鄧之南鄙司馬彪以爲鄧之鄧隱元年鄭伯克段於鄧鄭聚矣晉志襄陽有鄧縣鄧杜注鄧今潁川鄧陵縣國唐尚書云鄧爲鄭武公所滅鄧一作鄧史記鄭世家段出走鄧是也鄧入鄭改鄧陵成十六年晉楚戰於鄧陵杜注鄭地今屬潁川郡是也後又改安陵漢志潁川鄧陵縣六國曰安陵是也括地暴文八年公志鄧故城在許州鄧陵縣西北十五里暴子遂會雜

戎盟於累杜注暴鄭地案世本暴辛公作墳蘇成公作簾宋衷注云平王時諸侯據毛詩小序何人斯蘇公刺暴公也伯氏吹壘仲氏吹簾鄭箋云其相應和如壘簾以言宜相親愛也世遂以為作謬矣又成十五年楚子侵鄭注襄十九年傳王嬀之班亞宋子杜及暴隧即此圭注宋子王嬀皆鄭穆公妾國名記齊後有圭商滅之非也周始錫桃昭二十八年傳初胡公嬀姓其地無考故附於鄭桃叔向欲娶於申公巫臣氏其母曰是鄭穆公少祀桃子之子也國名記桃子蕭姓春秋時猶在史記音義曰燕縣有桃城後漢書注曰任城有桃聚不知戈史記禹後分封用國誰實為桃子之地故附於鄭戈為姓有戈氏戈本夏同姓國也竹書帝相二十年寒浞滅戈後因以戈封豷哀元年傳少康使季杼誘豷遂滅過戈杜注戈豷國是也戈地在宋鄭間哀十二年揚偃二十四年揚傳鄭城出戈錫故以戈附於鄭揚泉臯伊羅之戎同伐京師杜注揚拒泉臯昔戎也及諸羅戎居伊水雒水之間國名記有揚戎昭二十二年劉子奔揚

山河兩戒考

卷之十一

十一

拒國名記有拒戎水經注洛水自上洛縣東北于拒城西北分為二水隋志洛南縣舊曰拒陽拒戎之也居泉國名記有泉戎昭二十三年前城人敗陸渾五千里伊闕外前亭皇國名記有泉戎相潘曰洛陽西南杜注伊闕北有泉亭皇之山明水出焉南流注於伊唐志河南陸渾縣有鳴伊戎戎處於自瓜州遷於臯山臯戎之故居也伊羗傳陸渾戎自瓜州遷於伊川胡三省注通鑑曰伊闕雒雜戎戎處於雒者文以南大山長谷蠻多居之雒八年雒戎盟暴路史洛陽縣西南小戎桓二十八年傳小戎子生夷吾杜有故戎城小戎注小戎允姓之戎子女也襄十九年傳齊諸子仲子戎子杜注諸子諸妾姓子者二子皆宋女二戎子一以為子姓一以為子女非也案昭九年傳王使詹桓伯辭於晉曰允姓之姦居於瓜州伯父惠公歸自秦而誘以來晉惠公夷吾之立在魯僖十年安得先為允姓之女所生乎又諸子內官之號見房玄齡管子注杜以為諸妾姓子者非小戎子

不知所在杜以允姓之陰戎昭九年晉梁丙張趯率戎居陸渾故附於此陸渾故附於此

河南平陰縣故晉陰地陰戎之所居宣二年趙盾自陰地率諸侯之師以侵鄭即平陰也杜注陰地晉河

南山北自上雒以至陸渾衰四年蠻子亦奔晉陰地楚使謂陰地之命大夫士蔑杜注亦同豈有自河南

山北以率諸侯之師又陰地之命陸渾傷二十二年陸渾秋秦晉遷陸

渾之戎於伊川杜注允姓之戎居陸渾在秦晉西北二國誘而徙之伊川遂從戎號至今為陸渾縣也昭

九年晉率陰戎伐潁杜注陰戎陸渾之戎也蓋據河南山北為晉陰地之說也昭十七年晉荀吳帥師涉

自棘津遂滅陸渾陸渾子奔楚今蠻氏鄭伊雒之戎河南嵩縣北三十里有陸渾故城

陸渾蠻氏侵宋杜注蠻氏戎別種也河南新城縣東南有蠻城蠻一作鄭郡國志新城有鄭聚古鄭氏今

名蠻中史記正義曰新城今洛州伊闕縣也昭十六年楚子使然丹誘戎蠻子殺之遂取蠻氏呂覽晉令

卷之二十一

山河兩戎考

揚子將卒十二萬涉於棘津襲阮蠻氏滅三國焉晉志河南陸渾縣故蠻子國似漢以陸渾蠻氏為一

茅戎之地咸元年秋王師敗績於茅戎杜注茅戎戎別種水經注瀆谷水逕陝城西西北入於

河河北對茅城故茅亭茅戎邑也公羊傳曰晉敗入大陽者也津亦取各焉秦伐晉曰茅津齊唐書地理

志陝縣有大陽故關即茅津一曰陝津括地志茅津及茅城在陝州河北縣西二十里

也已上凡畿內諸侯例得稱國王制天子之縣內方百里之國九七十里之國二十有一五十里之國

六十有三是皆得稱國也其餘如子旅氏南宮極之類封邑皆無可考桃子祝詭庚過之類又皆為黨亂

之人並從其畧序及戎蠻者見當時類輦轂之下包容荒穢無所不有也

鷄尾之次鄭注月令曰孟秋者日月會於鷄尾斗建中注之辰也周禮曰鷄尾一名鳥帑皇甫謐

曰鷄尾一名鳥注者爾雅注雉首曰旌孫炎曰析五采羽尾亦為鳥注者爾雅注雉首曰旌孫炎曰析五采羽

山河兩戒考

卷之十一

七

注旄上也周禮獸人令禽注於虞中賈公彦曰注聚也聚於旄旗之所考工記鍾氏染羽鄭注羽所以飾旄旗及王后之車軫為車翼為羽翼經曰在黃道外翻故亦為鳥注而義有不同也翼經曰在黃道外二十度半石氏曰翼主輔翼以衛太微宮法九州之位入為將相繩直有例內外小星四十六官各隨其度小臣之象也隋志曰翼軫四星星經曰在黃道至夷狄遠客負海之賔軫外十五度少巫咸曰軫天車楚國星也南官侯曰軫天員府也黃二宿東甌東甌五星距度見前隋志翼南五星曰東區蠻夷星也甘氏曰客星入東甌其王且操金玉來下中國晉隋志東甌在二十八宿屬翼今西曆又有馬尾四星之外乾象新書入張宿屬翼在青丘南屬翼經天該翼宿歌曰丘南馬尾橫三星上端長沙長沙一星距一筒光明巨是也馬尾古未載長沙長沙一星距曰長沙星明王者保慶子孫昌百二十親強左轄左轄一星在軫占日軫星及長沙星明天子內佐親強

北去極一百一度半入軫宿五度百二十占曰軫右為天車車失轄則傾列宿說曰轄星動車騎用轄右轄一星在軫南去極一百十度半入翼宿十六度半亦謂之膏郤萌曰軫北小星去軫數寸者轄也轄明與四星等若轄進退兵大起軫南小星去軫二寸者膏也轄進膏擗軫是謂天亡膏三月車騎發膏轄各反其處車騎罷石氏曰轄二星不欲明明則輻車行兩轄欲進在翼宿東南距西南星去極一百十軍門五度半入翼十三度巫咸曰軍門二星在青丘西天子六軍之門也讚曰軍門營候虎尾威旗乾象新書軍門屬翼武密亦屬翼今西曆無此星土丘司空者司察土域星黃潤則吉巫咸曰土司空近青丘司空者司察土域星黃潤則吉巫咸曰土司空近青界域隋志亦曰司徒案土司空屬軫者如周禮土訓掌道地圖王巡守則夾王車是也亦曰司徒者大司徒以天下土地之圖周知九州之地域廣輪之數是

也乾象新書土司空青丘青丘七星距度見前荆州

屬翼今西曆無此星占曰客星守青丘土宮有

事晉志在二十八宿之外器府軫南距大星去極一

百三十七度半入翼八度半器府樂器之府周禮典

庸器掌藏樂器是其職也甘氏讚曰器府掌固管絃

絲竹管絃之盛後人謂管竹絲絃字義重復文選不

載不知四字先見於星經又漢張禹傳後堂理絲竹

管絃右軍豈無本耶晉志器府在二十八宿之外乾

象新書屬翼今屬軫皆鶉尾也位在南正之東分野

西曆無此星禹貢荆及衡陽惟荆州孔傳曰北據荆山南

屬荆州及衡山之陽爾雅漢南曰荆州郭注自漢南

至衡山之陽周禮正南曰荆州其山鎮曰衡山其澤

藪曰雲普其川江漢其浸潁港鄭注潁出陽城宜屬

豫州港未聞案左傳昭十二年楚子狩於州來次於

潁尾杜注潁水之尾在下蔡西水經注潁水過慎縣

故城南又東逕蜎蟻郭又東入於淮卽春秋之潁尾

是潁在楚界亦荆州浸也左傳襄十六年楚公子格

帥師及晉師戰於潁阪京相璠曰昆陽縣北有蒲城蒲城北有潁水水經注潁水出隼縣北魚齒山東南

流爲潁浦是潁爲荆州浸也古荆見前考春秋經傳

山河兩戒考

卷之十一

津洩陘郢申呂睽焉泯商盧選仞葉鄉沂艾沈鄧瑕

巢駕釐虺焦夷棠憤棘樸廬瑣訾邾荝卷潯六窮

養雅卽稷麋豐白濱沈鹿郊宮期思阜山大林陽丘

夕室召陵方城析隈連穀渚宮期思阜山大林陽丘

訾枝句瀝阪高陘臨臨品石溪轅陽漳潁阜潁夢中

渭汭夏州州來鍾離新石繁陽庸浦湛阪桑隧零婁

荆山塗山夏汭鵲岸羅泗菜山南懷汝清豫章乾谿

不羹岡山賴尾固城息舟魚陂訾梁棘闡宗丘長岸

下陰鷄父蓬瀝圍陽州屈丘皇沙汭南岡容城柏舉

大隧直轅冥阨武城小別大別清發雍瀝雲中漢陽

軍祥棠谿成自脾洩負函繒關少習三戶高父夷卽

城父烝卽烝野夏卽夏汭橋卽白羽蒲胥之市汝陰

之田抵箕之山章華之臺太室之庭公婿之谿夷濮
西田襄十年會吳于柘杜注祖楚地京相璠曰柘宋
地今彭城偃陽縣西北有柘水溝去偃陽八十里故
柘不入於楚昭十三年楚常壽過圍固城克息舟城
而居之杜注息舟楚邑城之堅固者水經注沔南有
固城城側沔川卽新野山都舊治也魏收地形志汝
南臨汝縣有固城故以固城爲地名定四年楚子泚
難濟江入於雲中杜注入雲夢澤中定五年王遇盜
於雲中皆是也離騷九歌湘君雲中君湘江有祀
雲中亦有祀雲中楚望也注以爲雲師屏翳謬矣卽
見前卽地有蒲騷卽一作邠宜四年傳若敖娶於邠
杜注邠國名卽卽國也周平園跋文苑英華曰其間
賦多用員來非讀泰誓正義安 若 見前案杜注邠本
知今日之云字乃員之省文 若 見前案杜注邠本
郡都縣爲楚附庸定四年令尹 羅 見前案杜注邠本
子西遷郢於都都又爲楚都也 羅 見前案杜注邠本
文十年厥貉之會麋子逃歸十一年楚子伐麋成大
心敗麋師於防渚潘崇復伐麋至於錫穴路史麋廩

山河兩戒考

卷之十一

姓子桓王三年楚子再敗麋師於房渚今之房陵荆
州釋例云在當陽非當陽乃麋見文十一年及定五
年芊姓子舊云卽鄉非也案桓王三年卽魯隱六年
無楚伐麋事淮頃王三年城大心敗麋師於房渚卽
文十一年楚子伐麋者也潘崇復伐麋至於錫穴伐
麋非楚杜注麋九倫反十六年麋人率百濮聚於邲
子伐麋杜注麋九倫反十六年麋人率百濮聚於邲
者卽是麋也定五年吳師居麋則麋所遷之地也是
時子期焚麋吳師大敗乃歸王使由于城麋杜注於
麋築城一說志岳州麋子國有東西二城楚昭王使
王孫城麋卽此也公羊麋作圈亦求阮反無有作麋
者穎容釋例曰麋當陽也宋白曰當陽東南六十里
有麋城楚伐麋卽此郡國志漢中錫縣劉昭注楚子
伐麋二書麋誤作麋或云當陽有麋城三國時麋芳
所築非麋地也又錫穴漢爲錫縣沈約宋書漢錫縣
晉太康五年改曰卽鄉又長利縣晉改曰錫縣春秋
錫穴自在卽鄉乃 穀 桓七年穀伯綏來杜注穀國在
轉以爲非何也 穀 南鄉穀城縣北水經沔水南逕

穀城東又南過陰縣之西注曰沔水東逕穀城南而不逕其東矣城在穀城山上春秋穀伯綏之邑也案穀伯贏姓今縣西北七里有古綏桓十三年伐綏之穀城縣西四十里有穀城山注曰沔水經注沔水又南逕陽縣東又南筑水注之杜預以為彭水也筑水又南逕筑陽縣故城南縣故楚附庸也貳桓十一年楚屈瑕楚附庸臨彭水者疑即綏也軫國名記軫國姓在楚東南軫在隨州南楚城之軫楚城之考畧謂在德安府應城縣西案二十八宿山經曰冀山軫山相連在楚荆門山中央齊伯曰軫者生於蒙山長為楚國一統以蒙山為軫山其地正在於應城縣西或當日軫居其下故桓十一年即人軍於蒲騷將與隨絞州蓼以為各州伐楚師杜注州國在南郡華容縣東南楚武王時觀丁父滅之盧桓十三年楚屈瑕伐羅羅與今荆州府監利縣盧戎兩軍之杜注盧戎南蠻

山河兩戒考

卷之十一

襄陽耆舊傳曰中盧古盧戎也文十四年楚子燮子儀作亂廬戢黎誘之杜注盧今襄陽中盧縣戢築盧大夫是時盧已入楚十六年楚人伐庸自盧以往振廩同食是也史記淮陰侯傳項王亡將家在伊盧徐廣曰東海胸縣有伊盧鄉正義曰秦謂之伊盧漢為中盧縣又引括地志云春秋時盧戎之國殊失考也案中盧故城今在襄陽昭十九年楚工尹赤遷陰府南漳縣東五十里陰於下陰杜注陰縣今屬南鄉郡水經注沔水逕穀城東又南逕陰縣故城西故下陰也春秋遷陰於下陰是也今襄陽府光化縣西漢水西岸有夷虎杜注夷虎蠻夷叛楚者案商虎方古陰縣城夷虎杜注夷虎蠻夷叛楚者案商虎方鼎銘曰虎方博古翁云虎方猶鬼方竹書武丁三十二年伐鬼方於制則是與楚近也又周南宮中鼎曰伐及虎魚左傳魚人逐楚師王會解魚三苗之國昭元年傳趙孟曰虞有三苗杜注三苗饕餮放三危者文十八年傳帝鴻氏有不才子天下之民謂之渚

敦縉雲氏有不才子天下之民謂之饜饕杜注帝鴻黃帝渾敦謂驩與縉雲黃帝時官名家山海經驩頭生苗民苗民登姓黃帝子得姓者十二人第七為登則縉雲為渾敦之支庶而三苗乃其後也國語三苗復九黎之德蓋謂行其凶德如九黎之為注以三苗為九黎之後非也書舜典竄三苗於三危馬融曰三苗國名魏萊吳起曰昔者三苗之居左有彭蠡之波右有洞庭之水今湖廣岳州是也

皆其分

壽星之次

鄭注月令曰仲秋者日月會於壽星而斗建酉之辰也壽星一名庫營皇甫謐曰壽

星一名天庫一名角二星星經曰在黃道外曰度

天翼一名天正角宋志曰在赤道外六度黃帝占

日角星左蒼右黃正色也右角赤明天下亢四星

有兵左角赤明天下平今西土外增五星亢四星

在黃道內五度半石氏曰亢者天帝廟宮海中占曰

亢星齊明宗廟有敬朝廷有序又曰秋分視亢不見

卷之十一

七

山河兩戒考

五穀盡傷桑將二倍二宿平道平道二星在兩角間

今西土外增三星距東星去極九十一

度入角宿二度平道至治道之官也甘氏讚天田

日平道除道塗轍宜輸習志平道屬太微垣天田

二星在右角北距西星去極七十二度半入角二度

半甘氏讚曰天田處界縣邑正邪處區處也漢書郊

祀志高帝令天下立靈星祠靈星謂天田也晉書天

田二星不載隋志角二星曰天田與甘氏同今西

士外增進賢進賢一星在太微垣東華門外近角舍

甘氏曰進賢卿相舉逸命才晉志屬太微垣周鼎

微垣今西土外增五星亦屬太微垣周鼎星在天

田西北攝提西距東北星去極六十四度半入角七

度半春秋緯曰天鼎至流亡宋均曰天鼎周鼎也甘

氏讚曰周鼎酒樽二簋在壺天門天門二星在左角

晉志屬太微垣與今西土同天門南距西星去極一

百四度半入軫宿十六度廿氏讚曰天平星平星二

門待容應對無疑今西土外增二星平星在天

門東南庫樓上距西星去極一百一十一度半石氏曰
平星欲齊等廣狹有常高下不差則天下治萬物成
合誠圖曰平星至廷平郁萌曰平星至天下獄事
若今廷尉之象今西士平一作屏又外增一星
樓庫樓十星在角舍南維平星下六大星灣曲為庫
樓西南四星方斜為樓中有四小星為衡旁十五星
三三而聚者為柱距西北星去極一百二十三度入
軫宿十五度半春秋元命包曰天庫主陳兵石氏曰
庫樓及五柱皆不見兵車盡由讚曰庫樓之官兵柱
藏其中欲實惡虛空今西士庫樓七星外增二星柱
九星衡南門南門二星在庫樓下西大星近樓前
一作平衡南門距西星去極一百三十七度入軫宿
十一度春秋緯曰角南兩大星曰南門注曰南門天
之外門也黃帝占曰南門星欲明執法吉人至昌石
氏曰南門中有小星三芒者則兵車屬角今西曆又
出今西士南門二星分一星屬亢屬角有馬腹三
星在庫樓下屬角經天該角宿歌曰樓下馬腹
三星明南門小星當腹處是也馬腹古未載

山河兩戒考

卷之十一

六

大角一星最明大春夏必先見於天中其勢與斗柄
下玄戈招攝相值稍灣與亢接在亢上去極六十六
度入亢宿二度半居攝門中紀士樞曰大角為天棟
正紀綱春秋緯曰大角為坐候又曰大角者天王帝
席北石氏曰大角天幢也明則天子威行蓋曰大角
帝席色欲明光隆潤澤德合同晉志大角屬太微垣
今西十大角一折威折威七星在亢南如折軸距西
星外增一星折威第三星去極百二度人亢宿四
度石氏曰折威者天子執法之徒也郁萌曰折攝提
威星不居積卒間胡兵大興今西土無此星
攝提六星距度見前石氏曰攝提六星夾大角一名
天樞一名三老一名天樞一名天武一名天兵星東
向三三而居形似鼎是常東向天子吉昌若北向即
天下有事荆州占曰攝提一名闕兵至天子門闕樂
叶圖徵曰攝提為樞以兵夾捧帝席也合誠圖曰攝
提至九卿帝嬉覽曰仁道不行攝提失衡宋均曰失
衡謂不東向也乾象新書攝提六星右屬角頓頓頓
左屬亢今西土右四星左三星外增一星頓頓頓頓

二星在折威東南距東星去極一百十二度半入亢宿四度巫咸曰頓頑亦獄官也所以與折威相近讚曰頓頑捕制察伺獄囚步天歌作頓頑天元曆理作頓頑字近而訛今西北頓頑二星內分一星入騎官陽門陽門二星在頓頑西南庫樓東北距西星去極一百十三度入角宿十度巫咸讚曰陽門成遠

劍戟楯矛郝萌曰有星入陽門五兵藏晉志陽門不載屬亢皆壽星也位在東

正之南分野屬兗州禹貢濟河惟兗州孔傳曰東南距至也爾雅濟河間曰兗州郭注曰自河東至濟周禮河東曰兗州其山鎮曰岱山其澤藪曰大野其川

河沛其浸盧維釋名以為取兗水之義史記夏本記兗州作沔州職方氏豫州榮雜鄭注曰榮兗水也禹

貢導沔水即兗水孔仲達曰周之兗州於禹貢侵青徐之地蓋以其曰鎮曰岱山其澤藪曰大野知之秦

并天下為東郡碭郡之東北境鉅鹿之東境齊郡之北境漢復置兗州元命包曰五星流為兗州案天官

山河兩戒考

卷之十一

亢

書角亢氏兗州一行以氏屬夫火古陳見前陳地有分野入豫州壽星止角亢二宿濮焦夷壺丘

辰陵粟門鳴鹿太冥文九年楚侵陳克壺丘杜注壺丘陳地考畧不言所在但云或曰在陳州南境案水

經注意水選新蔡縣故城東而東南注於汝水汝水又東南逕壺丘城北故陳也文十年楚子蔡侯次於

厥貉杜注闕考畧亦以蔡見前蔡地有莘許見前許為陳地今無所證不錄桑隧耶陽州來許見前許

陂鉏任泠敦械林函氏許凡四息見前說江見前遷其遷地有葉荆白羽容城四息文作鄖江前黃前

左傳僖十三年楚滅黃國策衛悼公之時屏首伐黃過衛韋昭注黃國名是黃饒滅而復亡於春秋之後

也道見前柏前見前沈表季載字子揖封諸沈成王立為司

空不知何賴前見前漢書作廖項前見前胡工記妣

據而云賴前見前漢書作廖項前見前胡工記妣

胡之笥鄭注妣胡防前見前光城又東北逕高城南故胡子之國在楚旁防前見前光城又東北逕高城南故

弦高國是弦子有名高者與鄭人弦高同名案淮南子秦襲鄭鄭賈人弦高蹇他矯鄭伯之命以十二牛勞之三率乃還師而反鄭以存國之功賞厲前及呂弦高高辭之遂以其徒徒東夷終身不返厲見及呂成七年傳楚子重請取於申呂以爲賞申呂姜姓國伯夷始封郡國志汝南新蔡縣有大呂亭水經注縣西南有小呂亭晉元嘉二十五年以豫部蠻民立呂亭縣卽是處也至周穆王時呂侯入爲司寇宣王世改呂爲甫書序呂命穆王訓夏贖刑作呂刑孔傳曰後爲甫侯故稱甫刑大雅嵩高爲宣王之詩云生甫及申是宣王世改封爲甫也揚之水爲平王之詩云不與我戍甫甫至東周尙在不知何年爲楚滅也應儋二十四年傳應武之穆也杜注應國在襄城城應國周滅之成王以封其弟周器有應侯作姬原母尊敦博古錄云武王第四子應侯是也水經注洧水又東南逕應山北又南逕應城西地理志故父城縣之應鄉也武王封其弟爲侯國武當作成字誤也地

山河兩戒考

卷之二十一

地理志潁川有父城縣沛郡有城父縣括地志父城故城在汝州襄城縣東四十里杜注城父亦誤 姚昭元年傳裔有鄧姚杜注二國裔諸侯說文姚商諸侯爲亂者竹書外丘元年鄧人姚人叛河亶甲五年姚人入於班方彭伯韋伯伐班方姚人來賓竹書姚又作姚呂氏春秋有姚氏女採得嬰兒於空桑是也括地志古夔國在陳留縣劉路史堯長子監明早死東五里有故夔城卽姚其子封劉昭二十九年蔡墨曰有陶唐氏既衰其後有劉累學擾龍於豢龍氏以事孔甲既遷於魯縣杜注魯縣今魯陽水經注洧水逕魯陽縣故城南城卽劉累之故邑 胡定十五年也金史地理志汝州寶豐縣有豢龍城 胡定十五年胡歸姓胡也哀六年使胡姬以安孺子如賴杜注胡姬景公妾姬姓胡也盟會圖疏云在豫州鄆城縣界 蔣儋二十四年傳蔣周公之胤也杜注蔣在弋陽期思縣周公子伯齡始封莊公時楚滅之爲期思邑 文十年宋逆楚子道以田孟諸期思公復遂爲右司馬杜注復遂楚期思邑公是也今光州固始縣西七

十里有封父姜姓國炎帝孫鉅始封史記封禪書有

期思城杜注封父古諸侯也禮明堂位大璜封父

父之繁弱杜注封父古諸侯也禮明堂位大璜封父

龜天子之器唐書世系表汴州封丘縣有封父亭卽

封父所都魯國都記衛之延鄉高祖以不羹昭十一

爲封丘今縣在開封府城北七十里

城陳蔡不羹杜注襄城縣東南有不羹城定陵西北

有不羹亭十二年楚靈王謂子革曰今我大城陳蔡

畏不羹賦皆千乘諸侯其畏我乎對曰是不羹爲二國也水經

注汝水又東逕襄城縣故城南京相璠曰周襄王居

之故曰襄城也汝水又東南流逕西不羹城南又東

南逕繁丘城南又東南逕定陵縣故城北水右則汝

水左入焉汝水逕昆陽縣故城北東逕西不羹亭南

亭北背汝水於定陵城北東入汝漢志以在襄城者

爲西不羹定陵爲東不羹也襄城縣今屬許州定陵

今爲裕州

舞陽縣

烈山氏之國昭二十九年傳蔡墨曰有烈

山氏之子曰柱爲稷自夏以

山河兩戎考

卷之十一

止祀之杜注烈山氏神農世諸侯案祭法厲山氏之
有天下也其子曰農能殖百穀鄭注曰厲山氏炎帝
也起於厲山或曰有烈山氏賈疏曰其子曰農能殖
百穀者農謂厲山氏後世子孫名柱能殖百穀故國
語云神農之子柱作農官因名農是也韋昭曰烈山
氏炎帝之號祭法厲山氏之有天下則知非諸侯也
山在今隨州城北一百八十里
依杜注附於列國故畧論之
皆其分也

天下山河兩戒考補卷十二

當塗徐文靖著

大火之次鄭注月令曰季秋者日月會于大火斗筵戌之辰也周禮曰大火一名味一名天馬

氏志曰氏為天根周語本見而草木節解常昭曰本氏也詩維周之氏毛傳曰氏前也是氏為本之義石

氏曰氏一名天廟一名天府前也是氏為本之義石

前星皇右貴族府其四星欲明臣奉法度房四星星

道外一度弱景祐測驗曰在赤道外二十三度石氏

日房為西表三日月五星常道也上第一星名為

右服次將其名上道次第二星名右驂上相其名中

道三星名左服次將其名下道四星名左驂上相總

四表元命包曰殷紂之時五星聚于房房者蒼心

龍之精周揀而興今西士房四星外增二星

卷之十二

一

山河兩戒考

星經曰在黃道外三度半石氏曰大星者天子太

史公曰土星太子星下星庶子星家心為大火大辰

商人祀之故謂心為商語曰參辰亦曰參商王充論

衡曰參昂以冬出心尾以夏見魏氏圖曰參與辰俱

見天下有兵今西士三宿天乳北去極一星在氏宿東

心三星外增二星

氏宿十四度列星圖曰天乳主甘露星明潤則甘露

降甘氏星簿譜曰天乳甘露星明潤則甘露

張華曰天酒甘露也今西士天乳二招搖在北斗杓

星列天市即巴星外增二星之一招搖在北斗杓

端直下去極五十一度入亢宿四度半荆州古曰招

搖南夷也一名金星春秋緯曰斗端有兩星一內為

矛招搖一外為楸天鋒主兵用若動兵大起黃帝占

曰招搖者尚羊也又曰斗末之星招搖之問名為天

庫招搖離其處名曰開庫開庫兵發又曰招搖星欲

明而微小則王者威令行四夷韓楊曰容星入招搖

南夷王且操奇物來降國者又招搖與斗杓同名張

衡思玄賦倚招搖攝提以低回劉流兮察二紀五緯

之綱繆喬皇蓋因攝提直斗杓所指以建時節
李善注引星在大角東北距四星去極五十九度入氏
梗河三星在東角東距四星去極五十九度入氏
宿三度石氏曰梗河三星天矛彗梗者遞也河者擔
也土卒更遞擔持天矛以行也在斗杓頭主殺所向
無前也荆州占曰梗河天盾晉灼曰名天彗御萌曰
天矛者天子之兵也武密書梗河三星屬帝席帝席
充今西士梗河七星外增五星亦屬充
在梗河下大角西北距四星去極六十七度半入氏
宿一度半甘氏曰帝席三星不欲明明則大臣外
心贛曰帝席設坐晏旌無此星象
充池
新書帝席屬角今西士無此星象
北大星去極七十度半入充宿二度廿氏曰充池在
充宿北讚曰充池不居移徙之家注曰充舟船也池
水也充池猶渡水也焦延壽曰充池不居充度中則
廟有大怪黃帝占曰充池一名代津一名充星都萌
曰充池主水道其星細微則凶乾象新騎官十七星
書充池屬充今西士充池四星亦屬充騎官十七星

山河兩戒考

卷之十二

二

在陣車南維距西北星去極一百二十度入氏宿初
度石氏曰騎官一名輕騎又曰他星入騎官有喜黃
帝占曰騎官注宿衛帝宮以防不虞其星衆而明王
者後宮吉天下安其星微少若芒不見守衛要案漢
官曰秦置散騎騎從務乘輿車後獻可替否是其陣
職也今西士騎官十四星內三星車騎一星頓頭氏
車陣車四度石氏曰陣車三星在氏南距車一十三度入氏
周禮車僕掌戒車之萃廣車之萃注曰廣車橫陣之
車也宣十二年左傳曰其君之戎分為二廣車廣有一
卒卒偏之兩杜預曰十五乘為一廣車騎三騎官南
是則陣車之制也占天錄陣車屬九車騎三騎官南
距東南星去極一百四十度入氏宿二度丞咸曰車
騎金官也甘氏讚曰車騎部行石氏曰摠領車騎行
軍之也天官書曰客星入車騎星西羗且來降案
周禮戎右注曰古者參乘此克戎路之右又戎僕注
曰馭言僕者此亦侍御於車故車騎天輻在氏宿東
與騎官職異也今西士作人騎官

南近房宿距南星去極一百十五度入氏星十度巫咸曰天輻宰乘輿之官也讚曰天輻陳駕被軒鸞旗焦延壽曰天輻近尾吉遠尾天下有為害者元命包曰天輻主言祠事氣有離合設禱謝宋均曰離星相遠也合星相近案考工記曰輪輻三十以象日月也老子曰三十輻共一轂是輻為輿所至要輿脫輻則不可以行矣故以**車騎將軍**南一曰騎陣鄭樵通志主乘輿者為天輻**車騎將軍**騎將軍一星在騎官曰騎陣將軍主騎將也搖動則騎將出甘氏曰騎陣將軍在騎官東端注曰騎將之行陣也案漢百官表曰漢文帝元年始用**屬氏鍵閉**鍵閉一星在房東北主管籥關門之薄昭為車騎將軍**屬氏鍵閉**鍵閉一星在房東北主管籥關門之宿西度巫咸曰鍵閉一星在房東北主管籥關門之官讚曰鍵閉司察心腹口喉天官書曰於北一星曰率說文曰率車軸端鍵也兩相穿背也蔡邕月令章句曰鍵關牡也所以止扉或謂之刻移荊州占曰鍵閉星明則道大昌不明則**鈞鈴**鈞鈴二星在房陰道關亂官門不禁津梁隔絕**鈞鈴**鈞鈴二星在房陰道

山河兩戒考

卷之十二

一百九度半入房宿二度半鈴一作矜天官書曰天駟旁有兩星曰矜石氏曰鈞鈴二星去房宿七寸第一名天鍵二名曰天管籥元命包曰鈞鍵兩星以防閉神府闔舒主鈞距以備非常也通志曰王者孝則鈞鈴明近房天下同心遠則天下不和史記正義曰鈞鈴在房心之間有客星出及疎拆者皆地動之祥也今西曆**罰**三度半在兩咸中距南星去極一百八鈞鈴一星**罰**三度半在兩咸中距南星去極一百八鈞鈴一星**罰**三度半在兩咸中距南星去極一百八咸西南北列讚曰罰主受金罪贖布租通志曰正而列則法大平曲而斜則刑罰不中今西曆**罰**三度半西咸西咸四星在房宿上距西星去極一百四度半在氏東主治滯佚又曰東咸西咸入星者房戶之扇常為帝之列屏以表障后宮以防奸私也今西曆西咸五星外**東咸**東咸四星在心宿上距西南星去極增三星**東咸**東咸四星在心宿上距西南星去極池黃帝占曰東西咸一名六明郝萌曰東西咸日月五星之道也海中占曰東咸西咸星明而行列王者

威令行妃后守其宮其星微小而不行列若亡不見
人主微弱女主自恣奢淫無度武密及乾象新書東
咸屬心今西曆東日一星在房宿西中道前去極
咸四星外增一星日一百十三度入氐宿十四度半
甘氏星簿贊曰昭令德耀生飛鳥宋中興志曰甘
氏曰日一星在房之西氐之東日者陽精之宗也以
司太陽之行度日生於東故於是在焉鄭樵通志曰
日主明德日一星晉隋志皆不載今西曆又增一星

從宮

從宮二星在房宿西南距西星去極一百二十
南贛曰從宮二星主疾病醫一作巫官石氏曰巫官

二星在房西南主巫醫之職事也案周禮巫馬之職
醫四人疏曰巫知馬崇醫知馬病房為天駟巫醫在
焉是蓋巫馬之職也晉志從宮二星在積卒西北列
於二十八屬房積卒積卒十二星在房心南距西星
宿之外屬房積卒去極百二十四度少入房宿三
度石氏曰積卒一名衛士芒角動聚兵事黃帝占曰
積卒主守衛明堂其星欲微小而明則天子吉其國

山河兩戒考

卷之十二

安昌海中占曰積卒如其故有兵細微若不見兵
車盡出晉志積卒十二星在二十八宿之外乾象新
書屬房今西曆積卒屬心武密書以東咸積卒並屬心
卒二星亦屬房屬心今從步天歌惟積卒屬心

皆大火也

爾雅大火謂之大辰春秋昭十五年冬有
者大火也不曰字于大辰范甯注穀梁曰劉向曰大辰
蒼龍之體不獨加大火是大火專謂氐房心也位在

東正之中分野屬豫州

禹貢荆河惟豫州孔傳曰西
南至荆山北距河爾雅河南

曰豫州郭注曰自南河至漢是豫州在大河之南荆
山漢水之北也周禮職方河南曰豫州其山鎮曰華
山其澤藪曰圃田其川滎洛其浸波澧鄭康成曰波
讀為播禹貢滎播旣都春秋傳楚子除道梁澧營軍
臨澧澧宜屬荆州案後漢書馬融廣成頌浸以波澧
章懷注曰波水出歇馬嶺在汝州魯山縣西北則波
澧之波非卽為滎播矣春秋莊四年楚鬬初屈重除
道梁澧杜注澧水在義陽厥縣晉東南入潁水水經

注澧水出隨縣西北黃山源西縣西又東南入
焉杜云源縣西誤當是源西縣也水經注沮水至安
陸入沔沔即漢也澧水東南入沮沮東南入漢澧水
在漢水之北則澧在豫州不宜屬荊州矣秦并天下
此為三川碭郡潁川及南陽之東北境南郡之北境
漢復置豫州與荊州隔漢一行以申隨並屬鵠火在
豫州蓋本周禮為說天官書房心 **古宋** 見前考春秋
豫州元命包曰鈞鈴星別為豫州 **古宋** 經傳宋地有
黃管部防稷虛龜亥蕭幽村黃泓呂留合輿商橫厨
峯曹老挑敷丘盧門蒙澤梁工葵工鹿上孟諸承匡
長工砥門新城大棘唯溼沙隨洑陂夫渠洑陵彭城
曹門朝郊城郟幽丘台谷虛村犬丘商丘訾母桐門
楊梁澤門蒙門鬼闔南里舊塘鴻口楊門新里藉工
曲棘老工壽餘雍工城鉏黃池逢澤空澤連中空桐
沃宮薄即毫拳即裡孟即唐孟遠掣即渠蔭次聯之
社靡角之谷桑林之門案桓二年會于稷杜注稷宋
地水經注陳留外黃縣南有稷里即此是也僖二十
一年盟于鹿上杜注鹿上宋地汝陰有原鹿縣史記

山河兩戒考

卷之十二

五

索隱曰汝陰原鹿其地在楚襄公求諸侯于楚楚纒
許之未合至汝陰鹿上郡國志濟陰乘氏縣有鹿城
鄉蓋此地也僖二十二年宋公及楚人戰于泓杜注
泓水名金史地理志睢州柘城縣有泓水成十八年
晉侯解于台谷以效宋杜注台谷地關案今蕭縣北
有三台山山在古蕭城東南十里蓋宋地也又黃池
宋地見前 **曹** 見前曹地有洮鄭郊鍾邶曹南重工黍
衛國注下 **曹** 正揖工大城案信十九年盟于曹南金
史地理志曹州濟陰縣有曹南山襄十七年曹伐曹
取重工杜注重工曹邑樂毅傳齊敗楚相唐昧於重
工正義曰重工在 **邾** 見前邾地有夫鍾邾邾桓十一
曹州成武縣界 **成** 年公會宋公子夫鍾杜注夫鍾
邾地高詹事地名考略曰 **滕** 見前史記索隱曰滕不
今汶上縣北有夫鍾里 **滕** 知本封案黃帝子有滕
姓當是其始封也至周以封文王子 **茅** 見前邾
叔繡宋衷曰今沛國公正是滕國也 **茅** 見前邾
二城相去凡二里北邾郟國南邾宋邑 **蕭** 見前
鄭樵通志曰單州城武縣有兩邾城 **蕭** 見前 **葛** 見前 **向**

見前戴見偃陽見前偃穀梁作傳漢志彭城也陽縣故

前傳陽入呂縣魏收師古曰音福去聲通用晉

省志呂縣有偃陽地甲父及商商奄五東土也

水經注契始封商魯連子曰商國在太華之陽史記

正義曰商洛縣在商州東八十九里本商邑古之商

國竹書帝相十五年商侯相土作乘馬遂遷商王帝

芒三十三年商侯遷于殷帝孔甲九年殷侯復歸于

商王一統志商王在歸德已史記陳杞世家杞東樓

府城南三里一名闕伯臺杞公者夏后禹之苗裔也

殷時或封或絕周武王克殷求禹後得東樓公封之

於杞漢志陳留雍丘縣故杞國今開封府杞縣也至

春秋時杞已遷東國隱四年莒人伐杞取牟婁杜注

城陽諸縣東北有牟鄉今青州府諸城縣班固以為

春秋時徙魯東北理或然也桓五年州公如曹專曰

淳于公如曹史記索隱曰杞後改國號曰州而稱淳

于公是時淳于亡國為杞所并杞改為州杜注淳于

州國所都城陽淳于縣即杞都今安丘縣也僖十四

山河兩戒考

卷之十二

年傳諸侯城緣陵而遷杞杜注緣陵杞邑地理志北

海有營陵臣贊曰即春秋緣陵淳于公所都之邑今

故城在昌樂縣東南五十里襄二十九年杞復遷淳

于晉合諸侯之大夫城杞是也杞武公十一年魯隱

公即位杞閔公六年春秋獲麟後四十八年杞簡公

一年楚惠王滅杞簡公弟他奔魯魯悼公給以采地

為侯太史公曰杞後陳亡三十四年班固曰傳之後

一世文獻通考云凡二十九年書杞侯莊二十七年書杞伯後皆稱

伯惟僖二十三年二十七年書杞子傳曰賤之也杞地見於經傳者

有淳于緣陵牟婁案宣十五年會于無婁杜注無婁

杞邑公羊作牟婁即隱四年伐杞所取者有緡昭四

故無婁不更入杞杞隸於豫州從始封也年傳

夏桀為仍之會有緡叛之杜注緡國名竹書帝癸十

一年會諸侯于仍有緡氏逃歸遂滅有緡案古史大

吳元妃生倍伐降處緡淵為蔑姓至夏以封舜後山

海經季釐之國有緡淵是也僖二十三年齊侯伐宋

團縉杜注縉宋邑漢志山陽東魯縣今有仍昭二十

兗州府金鄉縣東北二十里有東縉城有仍八年傳

昔有仍氏生女黥黑而甚美樂正后夔娶之生伯封

有仍縉姓歷虞夏世為諸侯哀元年傳昔有過澆城

夏后相后縉方娠逃出自竇歸于有仍賈逵曰有仍

后縉之國縉有仍之姓漢書古今表作有仍蓋封

國在夏后有虞哀元年傳少康奔有虞杜注虞舜後

氏前也 有虞 梁國有虞縣案郡國志虞縣有綸城

少康邑史記正義曰虞縣在宋州北五十里古虞國

商均所封今歸德府虞城縣竹書周頭王三十五年

楚得吾帥師及秦伐鄭圍綸邑則今平陽府滎陽縣也沙

以河東汾陰為古之綸邑則今平陽府滎陽縣也沙

隨成十六年秋會于沙隨杜注沙隨宋地梁國寧陵

縣北有沙隨亭水經注坂水東逕寧陵縣沙陽亭

故沙隨 空桐 哀二十六年傳宋大尹奉公自空桐入

國矣 空桐 杜注梁國虞縣東南有地名空桐太史

公曰契後分封以國為姓有空桐氏世本云空桐子

姓趙世家襄子娶空桐氏是也正義以為空桐山謬

山河兩戒考

卷之十二

矣 彭城之國 成十八年宋魚石復入于彭城杜注彭

日彭祖自堯時舉用未有分職索隱曰彭祖卽陸終

氏之第三子叢鏗之後案天問曰彭鏗樹雒帝向饗

注曰彭祖進雒羹事堯是鏗卽彭祖也時已封彭世

謂之大彭竹書夏帝啟十五年彭伯壽帥師征西河

商祖乙元年命彭為商賢大夫者別是一人非彭祖也

彭據此則老彭為商賢大夫者別是一人非彭祖也

皆其分也

析木之次 鄭注月令曰孟冬者日月會於析木而斗

一名尾 尾九星星經曰在黃道外十五度少景祐測

漢津 驗曰在赤道外二十二度石氏曰尾九星為

後宮第一星后次三夫人次九嬪次嬪妾一名后族

也騰躍圻絕不居其所君臣不和國語作箕箕四星

龍尾尾古尾字今西曆尾九星外增一星箕星經曰

在黃道外五度少石氏曰尾箕蒼龍之末也直黃主
八風之始又曰亦為天漢九江口天官書曰箕為敖
客曰口舌宋均曰敖調弄也箕以簸揚調弄為象占
曰箕主蠻夷箕動者蠻夷有使來又曰箕星居河邊
歲大惡若中河而居天下食人易是類謀曰箕中二
星少則余貴穀者人之精也故天下安樂即星象
宿龜 龜五星距度見前石氏曰天龜六星在尾南漢
居漢中有易水一曰天下水旱物不成吳淑龜
賦亦有見天文於南漢謂此也今西曆龜四星
天江四星在尾宿七度石氏曰天江四星在尾北主太陰
一動大水不具津梁不通又曰天江星中河而處則
兵起如流沙漢志曰江星動以人涉水黃帝占曰若
其星參差不齊馬貴一日馬多死晉志天**傳說** 傳說
江列天市垣今西士天江五星外增二星**傳說** 一星
在尾後河中極一百八度半入尾宿十四度晉語
天策焯焯注曰尾上一星名曰天策一名傳說石氏

山河兩戒考

卷之十二

八

曰傳說一星在第二星東二寸小者是又曰傳說者
章祝女巫官一名太祝司天王之內祭祀以祈子孫
故有太祝以傳說於神宮黃帝占曰傳說星明則後
宮吉子孫昌元命包曰傳說主祝章巫官也章請號
之聲也案周禮太祝掌六祈以同鬼神元五曰攻六
曰說注曰攻說則以辭責之是傳說當讀如攻說之
說也莊子曰傳說相武丁奄有天下乘東維騎箕尾
而比於列星柳萌曰傳說星光明玉命典輔佐出蓋
又因莊子為之說也**魚** 魚一星距度見前黃帝占曰
今西曆傳說作氣曰魚星常在河東近箕又曰魚
星主雲旗其星忽然不明如雲常居漢中微而不明
則陰陽和風雨時明而動搖雨澤不時有大水海中
占曰魚星若微小出河外天下大旱五**神宮** 神宮一
穀不成晉志龜魚並在二十八宿之外**神宮** 星在尾
內西第三星旁相去一寸去極一百二十五度入尾
宿五度一曰天矢一曰天九江石氏曰尾上第一星
后也第三星旁一星名神**天維** 天維三星在尾北斗杓
宮解衣之內室說虞之所**天維** 天維三星在尾北斗杓

後若星散則天下有地動也漢志曰維星散句星信則地動極後有四星名曰句星斗後有三星名曰維星散者不相符

也步天歌無此星

其舌又詩卷伯箋曰箕星哆然踵狹而舌廣石氏曰

箕舌一星若動則大風不出三日箕舌動如翅風揚

沙天文考要曰箕四星上二為踵下二為舌星大明

直則君無讒問木守之宮中有口舌事今西士無此

星

木杵 度入箕宿三度黃帝曰杵星明而動天下

有兵杵曰用事軍糧急其星微小曰杵星明而動天下

石氏曰杵縱則民是食橫則民飢又曰天杵星不具

民賣釜甌案易繫斷木為杵故曰木

杵今西士木杵二星外增一星屬尾

糠粃 糠粃一星

杵西北去極一百十七度入尾宿十七度半甘氏曰

糠一星在箕舌前讚曰箕主

豐暗為飢

志曰明則為

屬箕皆析木也

位在東正之北分野屬

幽州

孔氏書傳舜分冀州為并州分青州為營州始

置十二州爾雅燕為幽州郭璞曰自易水至北

狄邢昺曰地理志涿郡故安縣閭鄉易水所出東至

范入濡也從此易水至於北狄幽州之竟也周禮職

方東北曰幽州其山鎮曰醫無閭其澤藪曰稊養其

川河沛其浸蕃時秦時為涿郡漁陽右北平遼西遼

東漢復為幽州光武十三年以遼東屬青州

十四年還屬幽州元命包曰箕星散為幽州

古北

山河兩戒考

卷之十二

燕 見前國策蘇秦說燕文侯曰燕東有朝鮮遼東北

公曰燕北迎蠻貉內措齊楚

崎嶇強國之間最為弱小

孤竹 見前竹書帝辛二

自孤竹歸于周管子桓公三十二年征孤竹齊語桓

公北伐山戎荆令支斬孤竹注曰冷支今為縣屬遼

西孤竹之城存焉孤竹爾雅作觚竹無終見前莊公

又案夷齊父初字子朝見韓詩外傳無終十年齊人

伐山戎杜注山戎北戎無終三名也案昭元年齊人

中行穆子敗無終及羣狄于太原常昭曰無終山戎

之國今為縣在北平據此其地在太原東北二千餘里何山與晉為難而戰於太原或曰與諸戎之近晉者相率而東或曰先在代郡之境後遷於北平及徐北有衛燕翟鮮虞潞洛泉徐蒲韋昭注曰徐隗姓水經注聖水自涿郡東與桃水合首受涑水於徐城東南即是徐也是與嬴姓之徐肥漢志遼西肥如縣應劭山戎莊三十年齊人為二肥日肥子奔燕燕封於此山戎杜注山戎北狄韋昭注國語曰今鮮卑劉向說苑曰齊已伐山戎孤竹乃分山戎之寶獻之周公之廟周書王會解曰山戎菽孔晁注曰山戎東北夷戎菽豈藥也胡三省注通鑑曰自漢北平無終白狼以北皆大山重谷諸戎居之春肅慎之國昭九年傳肅慎燕亳吾北秋謂之山戎肅慎氏來朝王使榮伯錫肅慎氏命魯語仲尼曰昔肅慎氏來朝王使榮伯錫肅慎氏命魯語仲尼曰昔武王伐商肅慎氏貢楛矢周書王會解正北方稷慎大塵注曰稷慎肅慎也晉書肅慎國一名挾婁鄭漁

卷之十二

仲都邑略曰古肅慎國都不咸山在夫餘東北千餘里

皆其分也

星紀之次鄭注月令曰仲冬者日月會于星紀而斗建子之辰也漢志曰日月初躔星之紀也

皇甫謚曰星斗南斗六星星經曰在黃道外二度半紀一名天府巫咸曰南斗六星一名天斧二名天闕三名天機大明王道和平將相同天帝命壽天下安黃帝占曰南斗一名鉄鉞石氏曰南斗主星經曰在命亦云宰相爵祿之位廿氏牽牛六星星經曰在日南斗主兵斗動者兵起

氏曰上一星主道路次二星主關梁次二星主南夷中一星主牛天官書曰牽牛為犧牲黃帝占曰牽牛中央大星不明而黃者天下芻大費十倍中央大星左右出者牛大貴牽牛不與織女直者天下陰陽不和石氏曰牽牛星明大火第相承王道大昌天二宿

下安寧今西土牛六星外增二星內三星作氣

建安星名天關鄒萌曰箕星與建星之間日月五星之

建星名天關鄒萌曰箕星與建星之間日月五星之

建星名天關鄒萌曰箕星與建星之間日月五星之

建星名天關鄒萌曰箕星與建星之間日月五星之

下道也周髀經曰日月俱起建星漢地爽注曰建六
星在斗上為歷術者度起牽牛前五度則建星其近
也荆州占曰建星欲其相對列則天下安若不相對
天下亂人主憂晉志建星列天市垣今西土建六星
外增**天弁**天弁九星在建北近河距西大星去極九
一星在天市垣外天下市官之長也主市中列肆其星明
大則市中物盛興其星不明則萬物衰耗又曰天弁
星主恭儉明吉不明凶**鼈**鼈十四星距度見前一曰
晉志作天辯屬天市垣**鼈**天鼈卽天鼈國語伶州鳩
曰我姬氏出自天鼈及析木者有建星及牽牛焉注
曰天鼈卽元枵須女天鼈之首黃帝占曰鼈星常居
漢中微而不明則天下和雨澤時若不居漢中則陰
陽不和天下旱石氏曰鼈一星去有白衣之會讚曰
鼈星為水虫太陰也**天鷄**天鷄二星在狗國北距西
今西土鼈十三星**天鷄**星去極一百十度入斗宿
十六度半合識圖曰天鷄主候時荆州占曰天鷄非
其故多大小不通廿氏星簿讚曰鷄鳴司旦審夜省

山河兩戒考

卷之十二

七

時晉志天鷄屬天市垣今**天籥**天籥八星在斗杓第
西土天鷄二星外增一星**天籥**二星西距西大星去
極一百十四度半入尾宿十九度巫咸曰天籥八星
在南斗南讚曰天籥司記警問筭疑注曰天籥瑄籥
也晉志天籥屬天市垣乾象新書**狗國**狗國四星距
屬箕武密書屬尾今西土無此星**狗國**度見前石氏
曰狗國四星在建東南主鮮卑鳥**天淵**天淵十星在
九明邊兵起也晉志屬天市垣**天淵**狗國西南距
中北星去極一百二十九度入斗宿十七度巫咸曰
天淵十星在鼈東南九次間讚曰天淵灌漑盈滿淵
區隋志曰天池一日三池一日天海主灌漑事晉隋
志天池在二十八宿之外今西土以中六星作氣
狗狗二星在南斗魁前距東大星去極一百十八度
距荆州占曰狗星不如常戒守禦之臣晉志狗二星
星在二十八宿之外今西土狗二星外增一星**農**
丈人農丈人一星在杵旁去極一百三十四度入箕
宿六度半廿氏曰農丈人一星在南斗西南讚

曰先農丈人執斗與箕注曰農丈人老農也郗萌曰農丈人主歲豐耗在箕東歲大熟在箕西飢在箕南小旱穰在箕北大穰晉志在二十八宿屬斗天田

之外乾象新書屬箕今西北無此星屬斗天田九星天鷄東牽牛西南距西北星去極一百十六度半八斗宿二十二度石氏曰天田九星在牛東南主

畿內田苗之職甘氏星簿讚曰天田主農耕器犁鋤郗萌曰天田如井榦狀在營室南案漢郊祀志高祖令天田立靈星祠張晏曰靈星即龍星也龍星左角

曰天田蓋農祥星也與牽牛西南之天田為二晉志天田在二十八宿之九坎九星在天田南距大外今西土無此星九坎星去極一百四十一度半

八斗宿二十五度荊州占曰九坎九星主水旱之事晉志曰坎溝渠也黃帝占曰九坎主道達水泉明則陰陽調和百川通流若不明百泉不通天下大旱玄冥曰客星出九坎出陽則旱出陰則水晉志九坎在二十八宿之外乾象新書屬河鼓河鼓三星在天弁斗今西土九坎四星屬女

山河兩戒考

卷之十二

七

星去極八十三度八斗宿十九度黃帝占曰河鼓一名天鼓一名三武一名三將軍中央星大將也左星

左將軍右星右將軍皆天子將也又曰河鼓星曲失計奪勢郗萌曰天鼓之星怒者馬貴一名元鼓又曰一名提鼓一名天董一名天廐爾雅曰河鼓謂之牽

牛郭璞曰今荆楚人呼牽牛為擔鼓擔者荷也李巡曰河鼓牽牛皆二十八宿名也孫炎曰河鼓之旗十二星在牽牛北也或名為河鼓亦名牽牛天官書曰

牽牛為犧牲其北河鼓石氏曰河鼓星欲正直而明大黃潤澤則無兵大將吉又曰三武易次兵起案爾雅有兩牽牛猶斗杓有兩招搖解者誤合為一非也

又河鼓一名天董不解其義局禮太祝辨九摻四曰振動鄭大夫曰動亦或為董振董以兩手相擊也織天董亦擊鼓之義今西土河鼓四星外增七星織女織女三星在天紀東河鼓北春夏必先見距大星去極五十二度半入斗宿五度天官書曰織女天女孫也郗萌曰織女一名東橋又曰織女大長秋也石氏曰織女天女生成果絲帛收藏珍寶及女變又

曰織女之道與貫索相直布帛賤不相直天下布急
布帛貴荆州占曰織女在牽牛西北鼎足居星常
向牽牛扶筐牽牛扶筐亦常向織女之足不如其故
布帛倍其價黃帝占曰織女大星后兩小星太子之
位三星齊明天下和平陳卓曰王者至孝神祇咸喜
則織女三星俱明案宗懔歲時記曰七月七日為牽
牛織女聚會之夜載德夏小正云是月織女東向蓋
言星也據此則云相會者義蓋如此世以為牛女之
神相會謬矣又杜預以婺女為已嫁之女織女為處
女亦甚無據乾象新書織女屬斗晉志屬太微垣今
西士織女四星外**左旗**左旗四星在河鼓旁距西第
增一星屬天市垣**左旗**四大星去極七十三度半入
斗宿二十四度晉志曰**旗**即天鼓之旗所以為旌表
也石氏曰河鼓三星**旗**九星在牽牛北河鼓旗揚而
舒者大將出不可逆當隨旗所指擊之大勝又曰河
鼓**旗**星明者則**旗**幟出以日占其國又曰若**旗**星不
正有兵廿氏星簿讚曰左旗幽谷險阻隱逃晉志左
旗屬天市垣武密書左旗屬箕今西士左旗十六星

山河兩戒考

卷之十二

七

外增**右旗**右旗九星在河鼓右距南星去極七十三
七星**右旗**度入斗宿十一度齊語渠門赤旗韋昭曰
渠門兩旗所建以為軍門是旗有左右也晉隋志右
旗不載武密書右旗屬斗今西士右旗八星外增二
星**天桴**天桴四星在羅堰北左旗端距大星去極九
星在河鼓左旗端南北列讚曰天桴應度節漏省時
注曰天桴鼓槌也謂應漏刻時節也荆州占曰天桴
星不明度數吹刻漏失時石氏曰天桴星明軍鼓鳴
黃帝占曰天桴者一名奚仲四星在河鼓東天桴前
近河鼓則鼓用晉志天桴屬**羅堰**羅堰三星在牽牛
天市垣今恆星表無此星**羅堰**東南距北星去極
一百十九度入斗宿四度晉志曰羅堰三星不明暗吉明為被
蓄水潦澆渠也石氏曰羅堰三星不明暗吉明為被
水淹浸郗萌曰羅堰主起居廿氏星簿讚曰羅堰隄
雍激內注案周禮雍氏注曰雍謂隄防止水者也
晉志羅堰九星在二十八宿之外九**漸臺**漸臺四星
當作三今西士羅堰二星少一星

是距東南星去極五十八度入斗宿十度廿氏星簿
讚曰漸臺守漏度晷吹灰注曰四方高曰臺下有木
曰漸主晷漏律呂之事文憲公陶女詩曰泉清壺漏
滴表正陽晷中是其事也又案三輔黃圖曰漸臺在
未央宮太液池中漸臺星名法星以為臺名也晉志
漸臺屬太微垣乾象新書屬斗武密書屬斗又屬牛
今西土漸臺四輦道五星在織女西足距西北
星外增二星輦道星去極三十八度入斗宿十八
度廿氏曰輦道道遙優游私行石氏曰輦道五星主
天子遊宮嬉樂之道也晉志曰漢輦道通南北宮其
象也宋書禮志曰輦車周禮王后五御之卑者輦道
宮中從容所乘非王屬也漢制乘輿御之晉志輦道
屬太微垣乾象新書屬斗今屬牛一星屬牛古未載
西土輦道四星屬天市垣
經天該亦無此星已上今西土諸星凡言屬某宿者
與下屬某者別也不言屬某宿者與下屬某者同也

皆星紀也位在北正之東分野屬揚州

禹貢淮海惟揚州孔傳曰

山河兩戒考

卷之十二

古

北據淮南距海爾雅江南曰揚州郭注曰自江南至
海周禮東南曰揚州其山鎮曰會稽其澤藪曰具區
其川三江其浸五湖通典曰自晉以下歷代皆云五
嶺之南至於海並禹貢揚州之地荆州南境至衡山
之陽若五嶺之南在九州封域則以隣接壤宜屬荆
州豈有捨荆而屬揚熊氏曰禹嘗至會稽并越郡屬
揚州亦甚矣若會稽東南郡縣及粵東八閩唐虞時
聲教未通貢賦不及此皆秦漢後開闢之地焉可以
揚州槩之案堯典曰宅南交太康地記曰交州本屬
揚州取交趾以為名虞之南極也山海經曰醜閩皆
在海中伊尹四方獻令曰正南醜閩桂國諸令以珠
璣玳瑁為獻竹書成王十年越裳氏來朝國策吳起
為楚悼南攻揚越史記南越尉佗傳秦時已并天下
略定揚越置桂林南海象郡張晏曰揚越揚州之南
越也孔氏曰夏禹九州越本屬揚州故曰揚越則是
三代已前甌越八閩已通貢賦者可知秦并天下此
為九江郭郡會稽南海漢復為揚
州元命包曰牽牛星流為揚州

古吳

見前考春秋經傳吳地有

鳩茲衡山淮上善道朱方延陵房鍾携李夫椒邢溝
棠皇泓上桐汭類黃笠澤陸渚艾臯舟之隘襄二年
楚子重伐吳克鳩茲至于衡山杜注鳩茲吳邑在丹
陽蕪湖縣東衡山在吳興烏程縣南案山謙之丹陽
記曰丹陽縣東十八里有衡山綿亘數十里去鳩茲
不遠當是子重所至也襄五年會吳于善道杜注善
道地闕案阮勝之南徐州記曰今盱眙縣春秋時善
道哀十七年傳吳子禦之笠澤國語越敗吳於囿注
曰囿笠澤也揚州記曰太湖一名笠澤水經注曰上
承太湖東逕笠澤在吳南淞江左右吳地記曰笠澤
淞江之別名則太湖非卽爲笠澤矣又滅君乃誅
王謂太宰嚭曰子爲臣不忠無信亡國滅君乃誅嚭
并妻子越絕書曰擒夫差殺太宰嚭又曰殺太宰嚭
逢同與其妻子史記吳世家曰越王滅吳誅太宰嚭
越世家亦曰越王乃葬吳王而誅太宰嚭是嚭之說
誅無疑以春秋考之越滅吳在魯哀公二十二年後
二年左傳公如越將妻公而多與之地季孫懼使因
太宰嚭而納賂焉乃止是則吳亡而嚭入越夫固無

山河兩戒考

卷之十二

圭

恙也史記及二越見前越地見於經傳者有姑蔑禹
書似未足據東冥輿地記曰越侯傳國三十餘
葉歷殷至周敬王時有越侯夫諱子曰允常拓土始
太稱王春秋時貶爲子案竹書周滅王二十四年於
越來賔弒王二十七年東至于九江架龍鼉以爲梁
遂伐越至于紆元王元年於越徙都鄞鄞四年於越
滅吳貞定王十四年於越子勾踐卒後八十二年於越
遷於吳又四十二年於越子無疆伐楚又十二年於越
於越殺無疆時周顯王三十六年也國語戰於五湖
韋昭注曰五湖太湖也又范蠡既滅吳反至五湖乃
辭於王曰臣不復入於越國矣遂乘扁舟以浮於五
湖莫知其所終極然則此五湖者不當在越之境內
以爲卽太湖誤矣應劭風俗通義曰謹案春秋國語
五子胥諫吳王與我爭五湖之利非越乎及越滅吳
范蠡乘扁舟於五湖今廬羣舒見前羣舒廬見前
江臨丹陽蕪湖縣是也羣舒廬姓也廬姁姓前
前蓼前及舒文十二年傳楚子孔執舒子案世本氏

族篇曰任姓謝章薛舒王符潛夫論曰舒黃帝後任
姓則舒蓋子爵而任姓也通考以舒為偃姓誤矣偃
姓乃舒鳩潛昭三十一年吳人侵潛六楚沈尹帥師
舒蓼舒庸救潛吳師還楚遷之於南岡史記正義
曰潛城在壽州霍山縣東二百步一統志宗文十二
武昌縣東八里有南湖湖上有岡曰南岡年傳楚
子孔執舒子及宗子遂圍巢杜注宗巢二國羣舒之
屬地在今舒城巢縣之間潛夫論曰宗氏鳩姓也路
史以為賓國芊姓子項王四年拘執宗子圍巢者案
項王四年即魯文公十二年華陽志曰宕渠古賓國
寰宇志曰故賓城在江流縣東北八十里今巢漢志
順慶府渠縣也安得與舒城巢縣之東一乎巢廬江
居巢縣故巢國也杜預曰廬江六縣東有居巢城國
語里革曰桀奔南巢預曰南巢揚州地巢伯來賓書
今廬江居巢縣是也竹書武王十三年巢伯來賓書
序曰巢伯來朝芮伯作旅巢命孔疏曰仲虺之語成
湯放桀于南巢或此巢是也巢後入楚昭二十四年
楚子為舟師以略吳疆吳人踵楚而邊人不備遂滅
山河兩戒考

卷之十二

六

巢今巢縣舒蓼見前羣舒下杜注舒庸見前羣舒下
屬無為州舒蓼誤以舒蓼為二國舒庸通考云姓爵
俱失其國舒鳩見前羣舒下襄二十五年楚屈建帥
亦在廬江舒鳩師滅舒鳩俞臯春秋釋義曰舒鳩在
廬江陶成今蕪湖有鳩茲港皆其地也古今地名曰
荆州松茲縣古鳩茲地仰楚茲方誤矣案晉氏南渡
以松茲流民僑立縣於吳樂鄉縣地今為縣屬江陵
府漢廬江松茲劉胸以為唐壽州霍山不得指邑在
鳩茲鍾離成十五年會吳于鍾離杜注鍾離楚邑在
地也鍾離淮南漢志九鍾離縣東四十里有古鍾離城今鳳
宋白續通典曰鍾離縣東四十里有古鍾離城今鳳
陽府懷遠縣是也胡三省曰徐州承縣路史以為其
又案括地志曰鍾離故城在沂州承縣路史以為其
遷地昭二十四年吳人踵楚遂滅巢及鍾離而還楚
世家楚滅吳早梁吳亦發兵攻楚滅鍾離當是為吳
所滅楚復遷之於此也又案春秋會鍾離事在成公
十五年以史記年表考之仰吳壽夢之十五年也
吳越春秋曰壽夢元年齊成公會於鍾離亦誤

鍾

吾 昭二十七年吳燭庸奔鍾吾杜注鍾吾小國漢志

東海司吾縣應劭曰吳執鍾吾子水經注曰沐水

逕司吾城中即是城矣一統志邳州宿遷塗山哀七

縣在州城南百二十里春秋時鍾吾子國塗山在壽春

禹會諸侯于塗山執玉帛者萬國杜注塗山在壽春

東北昭四年傳穆有塗山之會蓋卽其地也呂氏春

秋曰禹年三十娶于塗山天問曰焉得彼塗山氏女

而通之于台桑帝王世紀曰塗山氏合昏于台桑之

地虞書益稷篇禹曰娶于塗山孔傳曰塗山國名疏

曰蓋近彼山也太康地記曰鍾離縣西七十里有五

塗山古塗山國漢志九江當塗縣今鳳陽府懷遠縣

東南八里有塗山是也魯語仲尼曰昔禹致羣神于

會稽之山防風氏後至禹殺而戮之越絕書曰禹登

茅山朝羣臣乃更名曰會稽今山在紹興府東南十

二里是也此二山相去絕遠邈不相涉鄭康成引春

秋傳曰禹朝羣臣于會稽執玉帛者萬國家語曰昔

禹會羣神於塗山防風氏後至戮之吳典記曰始皇

二十七年上會稽塗山皆誤合二山爲一不知禹會

山河兩戒考

卷之十二

塗山蓋在會稽之前三年矣竹書帝禹夏后氏五年

巡狩會諸侯于塗山八年春會諸侯于會稽殺防風

氏自兩事也烏得一之又案蘇鶚演義曰文字音義

云塗山古國禹娶之地在宣州當塗羅莘注路史曰

宣州南陵東南有故當塗城及禹墟常璩巴志

曰禹娶于塗山今江州塗山是也諸說並誤 英氏

僖二十六年齊人爲徐伐英氏杜注英氏楚與國夏

本紀曰禹封臯陶之後于英六潛夫論曰江黃徐昔

蓼六英皆臯陶之後楚世家楚成王二十六年滅英

徐廣曰史記以英布是此苗裔俞臯曰六安州有英

州來

昭十三年吳滅州來十九年楚城州來

爲縣非卽古英氏國也一統志六安州英山縣東五

十里有州來二十三年吳滅州來以封季札漢志沛

郡下蔡縣故州來國水經注淮水又北逕下蔡故城

延州來矣今壽州北

姑蔑

哀十三年傳吳彌庸見姑蔑之旗杜注姑蔑越地今

東陽太末縣國語句踐之地西至于姑
蔑卽此今衢州府龍游縣有姑蔑城
縉雲氏之國
文十八年傳縉雲氏有不才子名曰饗
饗卽三苗也
山海經謹頭生苗民釐姓蓋謹頭
夔縉雲之號也
史記正義曰括州縉雲縣是其所封
今縣屬處州府也
皆其分也



07693

